

平湖縣志人物傳目錄

列傳一

葉春 張振 戈定遠 沈琮

沈肆 馬暎 沈榮孫聖附 許盛

倪輔 俞迪 陸綸 陸銀姪溥附

吳佐 過璘 屠勳子應填應坤均附

沈珪 屠熙 陸愈 馬昆

馮俊 陸淞 曹瓊子乾元均附 施震

沈煉 屠奎 屠垚 潘鷗

孫璽 陸琳 姚參子贊笈孫體信均附

沈圻 趙漢 陸燕子光弼附 劉玘

平湖縣志 卷五 人物 列傳一 目錄 一

陸槐 屠應垓子孟元孫謙曾孫襄孫均附

陸鼇

姚篚 孫校 馮汝弼 俞咨伯

王梅元孫潔附 趙伊子邦秩邦程邦黍孫琮均附 陸山子萬源附

曹校子煒附 陸炳子釋孫遠均附 沈一卿 沈垣

孫植子成名附 陳善道 陸杲 陳謨子志道附

俞乾 陸光祖子基忠基恕基志均附 韓弼

曹光 屠仲律 陸光祚 陳九疇

馮敏功 俞南金孫喬桂附 張大忠見大雅附 陸萬鍾

馮煦子太衍附 高文登孫道素曾孫承挺均附 馬千乘

陸萬垓 沈懋孝子瑞鍾附 孫從龍 陸志孝

倪壯猷 洪烝 李爓 胡士奇弟士章附

韓子祁

孫成泰

馬應圖

陳泰來

屠叔方

馬維銘

陸長庚

王建中

戈用泰

陳九韶

馬明瑞

賀燦然

陸錫恩

陸錫命

馮伯原

施時圭

金汝礪

趙維寰

馮元鑑

曹徵庸

金汝諧

過庭訓

劉廷元

弟文元附

姚士慎

胡士相

施鳳來

子日升孫鉉均附

陸鑣

徐調元

馬德澧

子嘉柱附

曹孔榮

劉希夔

周翼明

子元起附

康承爵

沈萃楨

子日昆附

馬鳴震

陸懋功

毛湛

陸府修

陸之祺

陸懷玉

陸從諭

徐在中

子錦孫吳治均附

平湖縣志

卷五

人物

列傳一 目錄

二

沈君楨

孫裔蕃

薛振猷

陸鏊

陸澄原

陸錫明

郭紹儀

楊六府

屠象美

陸又機

秦宏忠

陸燦

陸清原

馬嘉植

倪長圩

金和

沈中柱

平湖縣志卷十五

四品銜升用同知平湖縣知縣彭潤章修

人物

列傳一

按各志篇目互有不同今統名列傳仍倣王志例內自中書外自知縣官七品以上者彙為二卷列於前

明

葉春字景暘大易鄉人本姓林幼喪父母鞠于葉遂從其姓通練

有才識洪武中自邑吏

王作史

歷事吏部者六年永樂初尚書李志

剛薦于朝授主客司主事以勤敏周密為上官所重歷郎中十二

年擢兩淮鹽使改福建參政仁宗嗣位入朝被命巡視應天鎮常

蘇松杭嘉湖八郡訪民利害建革之歲餘歸宣德初朝廷以八郡

奸吏土豪貪虐未戢復命春偕大理卿胡榮

王作概

巡歷訪察後又

平湖縣志

卷五

人物

列傳一

一

以指揮任啟御史賴瑛佐之所至秉公果決無所屈撓復與榮建

言嘉郡屬縣僅三不足以控察請增設縣四詔報可於是海鹽

東北境為平湖縣先後凡三蒞浙西治事于鄉人無議其私者還

朝上嘉之擢刑部右侍郎歲終得疾上命太醫視療乞歸卒年六

十有四賜祭命有司治葬

朱列傳高事功張仕績王列傳

張振字孟起號植蘭少為掾史永樂初工部尚書吳中以賢良方

正薦授工部主事歷陞刑部郎中出為四川夔州知府性至孝親

歿顏所居曰終慕堂少師楊榮宮保金幼致贈以文稱其有忠孝

大節

朱列傳高行誼張仕績王列傳

戈定遠字尚武號脩菴工古文辭永樂丙戌貢入成均選河南道

御史彈劾封駁無少避忌陞交趾

戈氏家乘作雲南

按察司副使蒞官清

勤平獄訟綏柔有方致仕卒于家

朱列傳高事功
張仕績王列傳

沈琮字公禮號石廳正統壬戌進士

平湖科甲
自琮始

授南兵部武庫司

主事遷四川夔州守改重慶皆以喪不赴琮父母相繼歿與弟肆

廬墓者五年朝夕哭泣日食淡粥有白鶴野雉之祥天順五年事

聞詔旌其門曰孝行七年琮上疏言臣先任主事與弟御史肆同

廬肆以陰溼成疾而歿是為死孝過臣遠甚臣被褒旌而肆不及

乞移旌臣之典於臣弟臣不勝感幸部議寢不行時琮任廣東廣

州知府善政為諸郡最以病歸卒

張志作
卒於官

琮少穎異卓有志操居

家奉先事親長成恪謹動稽禮法御諸子弟皆秩秩馴雅可觀鄉

人慕之俗由以變著有石廳漫藁東宇藁廣遊集紀行藁宦遊筆

錄

程名臣朱列傳高行
誼張孝友王列傳

平湖縣志

卷五

人物

列傳一

二

沈肆字公貴號青壁正統甲子鄉試第一景泰辛未進士任山東

道御史幼警悟八歲能文與琮齊名而尤敏捷居官廉介有風裁

服父母喪廬墓五年雞骨不支諸兄強舁歸卒于家時年三十八

著有程朱書類讀史備遺橋門漫稿柏臺新稿四書口義

程名臣
朱列傳

高行誼張孝
友王列傳

馬璇字季明少穎敏薛文清見而奇之曰神韻雋遠必為一代偉

人年十八領鄉薦天順甲申進士任行人賑河南封琉球中山王

餽遺無所受王敬禮之為立却金亭擢南雲南道御史

據王志前
志皆作河

南疏奏蚤建儲謹災異飭武備防水旱憲宗嘉納之書其名於御

屏巡視京畿行部所至權貴震懼因其姓稱曰誠驄馬御史也以

直聲聞於朝家居崇孝友勵清白厯官內臺居第如故與馬或假

於人時稱真御史者必曰平湖一馬蓋指馬昆與暉云

程清修朱列傳高事

功張仕績王列傳

沈槃字元節號吾匏天順甲申進士授工部主事與侍郎同監龍

江關商稅力祛時弊有廉能聲知廣東潮州府嚴通番之禁公私

鹽之稅未幾居喪服除調福建延平府所至不畏強禦歷江西臨

江府皆有清譽莊定山謂十年清沈美南京今日臨江沈更清蓋

確論也

西江志槃政尚嚴明吏民畏服學問博洽尤善吟咏

尋陞貴州參政值苗寇糧運軍

餉裁制有法事平乞養歸槃既貴起居服食一如寒素孝友天成

詩文冲澹純雅有頤

王志作熙

貞集孫聖垣聖嘉靖丙戌進士歷知南

直山陽鹽城縣以勞著垣有傳

程清修朱列傳高事功張仕績王列傳

許盛字昌世天順甲申進士授刑部主事署員外郎審錄陝右繫

平湖縣志

卷五

人物 列傳一

三

囚平反死刑百餘人雪徒流以下尤衆擢四川按察僉事先是蜀

府莊戶侵民山田致有格鬪死傷者獄久不決盛徧歷界壤廉得

其情置之法且立約善後民甚便之丁艱服闋補分巡川北道大

竹饑貧民投券富室而取其粟有司坐以盜劫盛令具本息償之

薄其罪儀龐鉅寇嘯聚勢燄張甚盛誅其首惡餘黨悉平及更川

西上流羅泉諸井鹵丁憤所司徵不如令各塞其井幾至狂逞盛

酌宜處之帖然復業改山東未幾轉雲南副使民有鬻銅爲生者

讐家誣以盜礦獄具瘐死已半盛辯釋之致政歸囊橐蕭然卽世

未幾子孫有不能自存者人皆稱爲清白吏

程經濟朱列傳高事功張仕績王列傳

倪輔字良弼生而穎異讀書過目成誦天順甲申進士授吏部主

事三載遷郎中廉奸革弊權貴休以威弗怯誘以利弗動士論難

之嘗奉命冊封秦楚二藩餽遺概却不受歸惟圖書數冊而已居常卜地葬親術曰不利於鄰遂弗用起復陞湖廣參政以廉律己治峒猺恩信所及無不感慕卒於官士民如失怙恃輔性警悟喜談論處事不苟工詩爲文務去陳言著有類劇題王作稿獻笑存稿朱志云輔爲參政時焦萬當國題畫竹紙扇以貽京貴曰不須稿高萬丈清氣滿乾坤任爾西風惡何曾曲向人程清修朱列傳高事功張仕績王列傳

俞迪字允吉以天順年鄉貢任廣東都司斷事朴茂好古清操凜

然諸方岳皆敬憚之有指揮王江失機監司欲并坐于王志作于下同指

揮屬迪案之迪曰國法失機死者不得襲干非其罪可以無白乎

力爭之監司卒如迪議貸之於是潛以千金爲謝堅拒不受三年

掛冠歸于泣拜曰祖父有汗馬之勞子孫幾失之得公以延德豈

平湖縣志 卷五 人物 列傳一 四

敢忘公大義凜然他無敢請矣願以弱息奉箕帚迪曰余老矣萬

萬不可次孫尙未婚可爲媳乎干益感德結婚而歸行李蕭然空

乏終世鄉閭士大夫誦不置口程篤行朱尙義高行誼張義行王列傳

陸綸以恩貢授四川夾江知縣單車就道入境輒拒郊迎品物器

用出自里甲舖戶俱給還之羨餘一無所取政簡刑清案無留牘

月立二會厚賞格以厲士文風大振秩滿以艱歸遂致仕家徒四

壁築室墓傍居之程儒林張介節王列傳

陸鏗字克潛成化間由貢生授廣東程鄉知縣縣在山海間多劇

盜鏗初至議者皆以殄盜爲急鏗謂與民未有恩信何遽勞民乃

新學舍以禮義勵諸生問民疾苦晝夜不息期年之後始團練義

勇間出勦寇斬捕常至千百盜賊畏威慕化相約無犯鏗政務廉

平獄訟至皆立辨吏民畏之程俗構訟多以賂勝銀門內肅然訟
減十七常戲語人曰大畏民志謂是耶以母喪歸民號泣攀轅者
數千人出境而後返行至常山卒銀性至孝父珪患癰銀昨之而
愈母李畏雷雷輒趨侍至達旦不寐後竟以哀毀死常山道中囊
無一錢逆旅主人徐文育爲之棺殮銀去官程人猶以陸公來憚
賊聞變設位巷哭立祠祀之後以孫杰累贈副都御史子淞孫杰
有傳兄子溥字文博邑生以資授上海縣丞調豐城督運夜過采
石舟漏溥跪禱曰舟中一錢非法願葬江魚腹禱畢漏止天明視
之有三魚裹水草塞漏尋以亢直罷官歸程清修朱孝友高行
誼張仕績王列傳
吳佐字懶雲少穎異舉止不凡工書法善吟咏成化乙酉舉人授
湖廣岳州通判循良有聲宦味殊澹雅誦歸去來辭慰留踵接不

平湖縣志

卷五 人物 列傳一

五

顧也

程篤行朱方技高方
技張文苑王列傳

過璘字太璞號一齋出贅華亭顧氏因居華亭又號半松少失怙
恃年十九猶混迹廛市間一旦棄去力學由邑諸生領鄉薦登咸
化丙戌進士授工部主事分司呂梁洪再管濟甯闡爲三原王端
毅恕所推重改刑部歷員外郎中許州民趙道隆爲憮人誣以妖
言利其死以覲賞連及數十家察其枉出之奉詔賑饑山東還陞
江西副使豐城李民泰陷平民兄弟三人爲刼盜繫獄十年得其
情杖殺民泰而盡釋繫者人服其神尋致仕歸璘閎朗剛直志存
當世而才足濟之家居二十餘年兩目俱病然廣筵長坐議論出
入經史竟日忘倦年七十九無疾而卒

程經濟朱列傳高事
功張仕績王列傳

王志此下有方輅傳一無事實刪

屠勳字元勳號東湖成化己丑進士授工部主事分司清江浦督造運舟公廉有能聲改刑部歷員外郎中剖決無滯每獄有疑及事干權貴者尙書林聰皆屬之罔不協服京城無藉子李勝誘其主之子福爲私鑄而陰令詞事者發其事福坐戍邊衆知其寃莫敢問勳曰此奴利主之產也爲直其事以福罪罪勝而歸其產又林都事素挾依附構訟蟠引不可解覈得實卒論如法直聲益起遷南京大理寺寺丞進大理寺少卿上言暑月疏決囚徒兩京一體五年一遣官錄州郡獄著爲令

應制陳言疏茲者天道亢旱特降勅諭文武羣臣共加修省且

令條奏軍民利病時政得失以聞臣伏讀聖諭有以知皇上敬天恤民之心修德勤政之實直欲究循而行之非徒姑應故事而已臣備員法曹謹以刑政一二有當舉革者膚見條陳伏惟聖明採擇一乞恩例以清刑獄照得在京法司見監問囚犯每遇天道暄熱皇上憫念罹獄之苦特降綸音答罪無干證者釋放徒流以下減等發落該枷號者具奏都免枷號死罪情可矜疑者多至宥死

平湖縣志

卷五

人物

列傳一

六

充軍恩至渥也然而南京繫祖宗根本之地彼處法司監問囚犯常滿千數臣嘗謬司審錄頗知一二每遇暄熱或不蒙此恩例再照天下司府州縣尉所監問囚犯先年奏准五年一次差官審錄以爲常例安治四年例該差官止于南北直隸奏差刑部郎中二員其餘浙江等處十三布政司行令巡撫巡按等官審錄各官巡治地方事務繁冗偏州僻縣豈能一一徧歷有司憚於申請往往預先揅楚至死以爲己便者不能無之以故矜疑重犯奏請處置者十常二三耳陰陽失和亦未必不由此伏望聖明一視同仁凡遇暄熱兩京法司見監囚犯俱乞恩例一體溥施仍乞勅刑部查照先年差官審錄事例照舊選差明慎官員分投審錄惟復將災傷去處不必差官移行巡撫巡按等官審錄其各官務要上體聖心下全民命期無寃滯流徒以下就便減等發落死罪情可矜疑并應合辯理者一一具由星馳奏聞區處如此庶幾刑獄清而天意可回矣

會漳寇溫文進煽亂上勅勳撫輯至則諭以禍福誅首惡黨與悉不治擢右副都御史整飭

薊州諸郡邊備巡撫順天永平以近畿役重民貧京邑尤甚疏請

裁省夫役昌平密邇山陵供應浩繁疏停牧馬以示優恤其經畧

邊備奏分薊州密雲建昌三路屯兵緩急相援於潮河川築城堡

虎落設險居守及增置黃花鎮營堡戍兵聲勢聯落自是無輕犯者又奏徙熊兒峪馬營于便地就水泉人免病渴猪圈頭關多水患歲苦修築亦奏徙之南北水峪歲省役卒數百人寶坻白龍港產銀魚中使歲取供薦因之橫索民不能堪麻峪山有銀礦守臣以中旨索之皆疏言其不可詔戒約中使而礦事卒不行轉刑部侍郎會戚畹壽甯侯與河間民爭田構訟奉旨覈勘上言食祿之家不言利況母后誕毓之鄉而與小民爭寸地臣以爲不可孝宗嘉納卒歸其田于民尋擢右都御史協理院事武宗嗣位首上郊祀藉田幸學三事且以正心講學爲本謂初服新政宜求實意勿徒循故事爲美觀又請日以真西山大學衍義進講拜刑部尙書時逆瑾用事諸司諷先關白而後奏聞勳執不從曰若是不惟三

平湖縣志

卷五

人物 列傳一

七

尺法可以喜怒高下亦且無朝廷矣瑾銜之乃引疾求去加太子太保致仕賜勅給驛歸未幾瑾敗又八年卒贈太保諡康僖勳性穎敏甫成童已學貫經史有重名嘗曰士當無書不讀雖屢更劇曹恆手不釋卷尤善詩歌著有東湖遺稿十二卷載明史藝文志其行義

鄉評尤重若辨家廟昭穆置義田義塾皆可爲世法子應埏應坤應埏俱登進士應埏湖廣提刑副使應坤雲南參政應埏有傳程經

濟朱列傳高事功張仕績王列傳

沈珪字廷瑞成化辛卯舉人授福建延平府推官多所平反上官至督供張珪以地瘠民貧辭改任南直安慶時池州民胡譚二姓爭湖地胡賄案者珪推鞠得情竟直譚告歸卒孫一卿有傳張仕績王

列傳

屠熙字元明成化甲午舉人授湖廣武昌府推官有盜久弗決俱
年未三十斷曰此獄成越十八年矣去盜時年纔十二三殊可矜
疑竟辨其誣陞江西建昌府同知掌府篆益府中人強籍民資戶
派借銀私蓄若干責其重息民甚病之諭以利害遂戡改南直太
平府廨宇蕭然如僧舍厯官三郡僅以一僕隨行居家友弟課子
以清白稱歿後累贈江西參議子奎珪各有傳

程經濟朱列傳高
事功張仕績王列

陸愈字抑之號貞菴成化乙未進士授南直江都知縣爲治一本
仁愛窮鄉下里靡不厯月召有年德者鄉一人詢民疾苦江田消
長不常稅額不損馬多領牧于無丁產者城南供餽歲所糜不貲
一一爲之均賦而節約之民困頓甦水居毗不知蓄泄數苦旱澇
平湖縣志

卷五

人物 列傳一

八

邵伯鎮河塘數厄于衝嚙始教之開渠以待盈縮復爲伐石以發
其塘積患乃除歲凶民多鬻子女于江南亟捐俸入并公餘錢贖
以還者幾百人每新穀未登輒發其舊廩散之約秋成償負者甚
得濟巡撫李都憲籍所部羨銀十數萬兩將上之特請留之江淮
活無窮民命江南屯卒爲暴境內一旦單騎徑往擒其魁奏置巡
檢司控制之勢乃戢憲臣籍平民數百家爲兵與抗執累月竟得
免旣三載召拜御史監通積局竹木及巡視京倉人人稱平中貴
人欲有所私不可得厯山西道御史尋巡按四川鋤豪強斥貪墨
發奸弊風稜甚峻上自崇藩下至羗酋咸凜凜莫敢縱尤加意學
校孤寡及死獄大修成都郡學創養濟院于榮昌出成案之不能
生者亡慮百十數滿一載將代以盛暑行炎鄉得疾旋成都遂不

起年五十 程經濟朱列傳高事
功張仕績王列傳

馬昆字克昌幼岐嶷成化乙未進士授江西永新知縣邑介梅花洞洞猺黑腳龍等入境肆掠昆戎服督兵擒元惡平之鄰邑劉伍二大姓訟二十年不決以屬昆片言折服捐商賈引錢易粟以賑饑擢河南道御史彈劾不避權貴中人劉瑾憚之勅理兩淮鹽法淮大賈哀數萬金以餽計通鹽利畏昆而止適鹽有餘銀疏請備賑時黃河溢為淮患又請以餘鹽易價督郡邑築石堤禦之淮人立祠尸祝焉會雲南盜起瑾銜之陞備兵參政昆蒞任以德化諭盜悉解散卒于官 程經濟朱列傳高事
功張仕績王列傳

馮俊字世英成化癸卯順天舉人選山西垣曲教諭邑僻人罕知學俊句授字解捐俸資給諸生激勵文皓趙載輩始以功名顯移平湖縣志 卷五 人物 列傳一 九

教南直休甯視邑篆堂吏進引價數百斤去之再補山東館陶擢知河南獲嘉縣中人張永征安化所過騷然俊迎謁稱民力不任供億永斂容謝調遂平遂平故無城流賊作亂與許忠節相約死封疆率民兵力禦賊平敘用乞歸絕迹公庭人罕見其面所至祠名宦贈山東參政子汝弼孫敏功有傳 程篤行朱列傳高事
功張仕績王列傳

陸恣字文東號東濱四歲能誦毛詩宏治己酉鄉試第一庚戌成進士以祖母老乞歸王端毅恕薦起預修大明會典成擬除翰林力辭授禮部主事歷郎中正德時藩國多踰例請乞恣格不行時劉瑾用事倭使宋素卿賂瑾求數入貢恣上疏言非中國利且素卿本甯波人潛通外島以邀中國漸不可長請誅之墜怒中恣他事矯制收下獄瑾敗遷光祿少卿累陞南光祿卿嘉靖初上疏辯

忠佞廣言路節財用言極剝切尋乞致仕卒賜祭葬淞性仁厚與人溫煦及臨大事毅然不可奪居官四十年被服飲食如寒士清而不矯人以為難著有東濱集累贈刑部尙書子杰杲各有傳

程經

濟朱列傳高事功張仕績王列傳

曹瓊字玉夫宏治癸丑進士選翰林院庶吉士授御史侃侃持風裁有戚畹投千金乞置讐家于辟正色曰人命至重吾不受此辜金也為御史數年論列百許多中機宜劉大夏論人才嘗曰諫垣中如曹瓊他日當大用無何卒于官卒後十年鄰人周某以舊嫌訟瓊父子讎使伍文定愕然曰曹玉夫生平不染秋毫清名至今藉藉其父豈有遺議乎立白之居家孝友俸餘分賑宗戚諸子布衣蔬食子乾元乾六歲孝宗時舉神童面試宮中御批賞資元嘉

平湖縣志

卷五

人物 列傳一

靖壬午舉人

程清修朱列傳高事功張仕績王列傳

施震字亨甫宏治癸丑進士授河南固始知縣剔宿蠹清積逋恤熒獨政聲赫然行取補太僕寺丞出為貴州石阡知府石阡多盜獠出沒剽掠殺人橫野震至繕甲厲兵招攜布信諸蠻遂服郡中多誅茆為屋嚴令儲水備火患平生慙直不饋遺朝貴守石阡七年不調觸劉瑾怒罰米三百石浩然掛冠後晉大參秩里居二十一年足跡不至公庭身未歿而室如懸磬

程經濟朱列傳高事功張仕績王列傳

沈煉字剛夫號一山宏治己未進士歷任江西參議所至豪右屏

息墨吏皆望風引去桃園寇勢猖獗煉挺身戡定卒以凱旋居官

耿介絕俗不為當道所諧然能自行其志蓋進退始終一于剛者

子圻有傳

程經濟朱列傳高事功張仕績王列傳

屠奎字文奎宏治己未進士授御史巡視江西翦戢宸濠黨與復累疏其不軌有直聲官終江西參議王列傳

屠垚字文治宏治乙丑進士授南直常州府推官決獄明敏謝絕饋遺擢御史當武宗南巡上疏請回鑾以光聖德嗣後累疏止興作正朝綱全戚晚崇聖學重經筵寬重罰皆持國家大體巡按廣西時徭寇方熾歲饑特甚設法糴運且增價招商禁刷禾船多所全活招降百粵捷聞武宗特勅獎勵云經畧有方多効勤勞賜之金幣陞俸一級時稱為真御史補山東副使糧運刻期竣事世宗特賜羊酒以勞之致政歸囊橐蕭然雅意詩書足不履郡城者三十六年程經濟朱列傳高事功張仕績王列傳

潘鵬字惟遠家貧苦學持論侃侃不肯低回附人亦不輕受人修

平湖縣志 卷五 人物 列傳一 十一

脯以正德丁卯舉人授廣東肇慶府通判時羣盜蜂起悉力禦之境賴以安不滿考遂掛冠歸而窮困如故里人為之語曰書中

車馬多如簇潘明府無一舟一僕家居二十年足不履公庭門下執經者甚衆年八十餘卒學者稱東淵先生王志云沈懋孝嘗為鵬與李萼作兩介士

傳朱志因合傳今萼另傳文苑程清修朱列傳高事功張介節王列傳孫璽字朝信號峰溪正德戊辰進士程志為諸生時五色批評通鑑綱目忽有蟾蜍蹲其上珍

蓄久之孫氏科第始此除南直興化知縣按明興化縣在南直揚州府王志誤屬福建今正邑豪徐恩以白衣入粟補所千戶與其宗人交賂權貴猾賊邑中舊令不

能制璽至廉得其謀殺道姑攫財事及其宗人諸不法狀因擊殺恩而宗人坐死者數人邑中為清同時江都豪徐某亦坐殺人獄

久不決上官以屬璽偵得其埋尸戶下鞠之囚駭伏居數年邑以

治稱去之日邑人攀擁不得行而徐豪家獨銜璽不已伺璽去卽持金數千走京師賂閹官銳斬反其獄且中璽奏下巡鹽張御史御史索璽過不得令璽與豪家同囚繫困辱之代者至其事乃白已而陞揚州同知會宸濠反攻安慶璽守儀真悉捕其黨詔旌之歷任山東山西雲南僉事嘗奉命丈皇莊草場地土清其地之爲奄戚所漁奪者悉歸之民薊州銀冶盜據險爲患璽榜示禍福各自縛詣璽罪其首餘遣復業及分巡洱海道會麗江土官爭金沙江讐殺璽勘其事卒解讐奉約束如故大同兵變後卒伍驕悍爲常盡心撫馭人賴安堵吉囊入寇贊畫撫臣斬首數多捷聞賜金後以衣豸衣謁巡按巡按怒以爲慢已被察歸性喜爲詩著有雲山履歷稿採集遺書總錄著以子植贈刑部尙書植有傳程經濟朱列傳

平湖縣志

卷五

人物

列傳一

七

高事功張仕績王列傳

陸琳字文佩號玉洲正德庚午舉人授南直清河知縣歲祿撫濟全活數萬俗不諳紡織集老嫗教之遂爲永利安東人兄弟訟久不決琳以義動之感泣相讓旋以治行高等擢廣東道御史貴戚斂手清軍湖廣以勾查逃解四字立法而隱冒肅清有善歌者嬖于楚藩家頗橫琳摘發破柱得之補江西道上封事六條稱旨後巡按四川經畧西南躬自督戰所至克捷乃單騎出見開示威信諸酋感泣乞降會都指揮劉永昌內倚武定侯郭勛權勢與蜀府訐奏竟按實抵昌罪繼補河南道與大計復論罷中貴姻黨墨吏隨劾權黨邊將張麟怙勢不法事不報遂出知江西撫州府尋乞骸骨歸卒年八十居鄉孝友謙恭俸入悉與諸弟其之人稱古君

子云著有蘭臺疏稿忠弼堂稿巡川條例賑荒事宜程經濟朱列傳高事功張

仕績王列傳

姚參榜姓張字應辰正德庚午舉人授江西北上饒教諭以經義訓士

學使李夢陽器重之擢宜春知縣賑饑興利搏擊權橫省茶貢費

十之九民若更生宸濠之變為王文成守仁應援斥諸願望者濠

卒就擒尋授工部郎中權稅荆南益持水蘖會長子篚舉鄉即挂

冠歸居鄉約已敦俗週郵故舊子篚篋笈孫體信篚有傳篋笈並

舉應天鄉薦體信嘉靖丙辰進士官參政程經濟朱列傳高事功張仕績王列傳

沈圻字子京號龍湫江西參議煉仲子正德辛未進士除御史以

直忤當道謫南直高郵州判陞休甯知縣矢心水蘖歷任固原兵

備陞貴州參政因與御史范安互劾為其黨所中免歸父子俱官

平湖縣志 卷五 人物 列傳一 三

藩臬產不及中人清名勁節藉藉人口遺命無入鄉賢程清修朱列傳高事

功張仕績王列傳

趙漢字鴻遠號漸齋正德辛未進士授江西建昌推官擢南戶科

給事中改兵科嘉靖初尚書林俊以執奏獄囚李鳳陽被旨詰責

漢因言太監崔文亂政巧逞奸欺不特庇一李鳳陽而已工部尚

書趙璜發文家人罪文輒捕其謀者痛杖幾死曰此杖寄與趙尚

書其無狀至此望急譴逐毋為新政累不聽已哭爭大禮禮疏臣

先於正德辛巳五月伏見皇上升自興藩嗣登大寶維時詔諭中

外首云皇考孝宗敬皇帝聖母昭聖皇太后其紹承正統炳如日

星已而詔尊興獻王為興獻帝興獻王如為興獻太后此陛下篤

厚本生至性也然與漢建平之稱定陶其王師丹以為恩義倍至

宋治平之稱濮安懿王司馬光以為不取譏後世程頤以為大地

大義生人大倫者殊致當時禮官執論再三不蒙俞允而進士張

璉霍韜知縣桂萼行人方獻夫都御史席書等窺見皇上意旨輒

思僥倖投合兼以璉考選庶吉士兄抑於廷和懷怨泄憤故為異

議作嗣統不同辨以上萑韜各作大禮議書獻夫各陳大禮疏萑
又併錄而上之異論從此紛呶宮府一時喧煽今年三月皇上御
平臺召內閣毛紀等草勅加稱尊號勅曰聖母皇太后加稱昭聖
康惠慈壽皇太后與獻帝加稱本生皇太后恭穆獻皇帝與獻后加
稱本生聖母章聖皇太后且命奉先殿側別立一室以盡追慕而
以議不合去汪俊以席書為禮部尚書行取聰等來京此與正
德辛巳之詔已不同矣臣方皇皇在職思自勉以獻替庶或積孚
盈缶自備納約而從議於師丹司馬光程頤之後不意聰等到京
阿旨得躡陞翰林學士於是自恃清班益鼓異說搖動宮庭拾冷
褒段猶之緒餘茂程朱相傳之正論條欵瀆奏觀其意不使孝武
二宗乏嗣統於前朝昭聖太后不自安於宮寢其悞心未已也致
蒙皇上近諭毛紀等去本生字又與三月詔旨不侔夫孝廟稱考
獻皇復去本生天下豈有二皇考耶其勢必以孝宗為皇伯考昭
聖為皇伯母矣臣請即聰等說逐一置辨之聰等有謂商書兄終
弟及故不稱嗣子而稱及王禮獨不云為人後比於禮何據其謬一有謂
為人後者後大宗也謂及王非為人後比於禮何據其謬一有謂
祖訓凡朝廷無皇子必兄終弟及是不立後之證也獨不曰兄終
弟及須立嫡母所生乎立者即立後云也而謂祖訓無立後之文
可乎設武宗上賓時而朋言鼓倡置陛下於何地其謬二有謂孔
子射於矍相之圃為人後者斥之不入夫立後紹統大義攸關矍
相射斥此為有所利而求為後者也若混義於利濬是於非則二
祖列聖之靈昭昭在天將謂武宗付託何人乎陛下遠遵高祖宏

平湖縣志

卷五

人物

列傳一

西

訓近奉武宗遺詔入紹統緒乃與豐相見斥同辭耶其謬三有謂
武宗遺詔初無繼統之說伏聞遺詔曰遣官迎取來京嗣皇帝位
夫嗣者為後之謂也為嗣矣而後言無繼統之說誰則信之其謬
四有謂親王稱天子為伯叔父則死亦可稱曰伯叔考者非也晉
鍾雅言景帝不以伯祖登廟宋張齊賢言期之喪天子絕宗廟安
有伯叔氏之稱哉其謬五有謂漢孝宣光武俱為父立皇考廟而
今宜以為法非也宣帝於悼考光武於南頓君何嘗立廟京師哉
其謬六有謂迎獻帝主安祀別廟取古者遷國載主之誼非也此
謂國既遷而載主以行爾皇上入繼正統乃與遷國等乎其謬七
有謂祖訓皇后不預外事立君繼統實遵皇祖明訓不宜假昭聖
懿旨者非也夫草昧迎立國勢危疑不有昭聖人人心何依非常援
立母后至心乃謂干預外政則辛巳奉迎之命豈得出自臣下耶
此大亂之端也其謬八有謂新願稱號詔令決宜改易改之不過
一言之更不改將貽百年之辱尤非也夫詔旨渙發宇內雷聞王
言如綸綽而倏更倏改以為飾觀豈所以重大體乎且初詔何耻
辱也其謬九有謂三公論道九卿分治以識執禮大臣而又謂臺
諫連名勢有所迫意蓋指臣漢署科事執筆會同科道官一奏昭
聖壽誕不宜免賀似乖懇懃之禮一奏陛下考孝宗母昭聖今已
三年一旦更之則明詔為虛文不取信於天下後世祭告為瀆禮
不能格於天地鬼神俱蒙旨切責臣漢又單名具奏總曲學偏見
違悖正統隆之清秩恐累聖政又奏宗伯非書所宜任俱蒙旨罰
俸臣漢抗章糾劾率眾具疏故聰等持此說以激聖怒而重其辜

其謬十武宗彌留之命以天下授皇上則大統具明於本始昭聖
援立之命以迎立委多官則至恩無忝於所生況獻帝嘗臣於武
宗將以昔在臣列而位獻帝於武宗下耶抑以今為皇考而位獻
帝於武宗上耶一去本生二字無所不至此理之大謬而臣久
列諫垣分操白簡瑕疵小失尚所必糾鼎鑊在前有所不避伏乞
皇上獨崇國統之攸傳如水木本源不容紊越深鑒忠邪之分辨
如黑白蒼素不可混淆倘奮然回旨據師丹司馬光定說做定陶
濮王故事屹守萬世之經允從人心之公臣之願也即本生念切
天意難回亦宜確守初詔勿去本生字令孝宗在天之靈有嗣有
續昭聖在宮之養以休以恬依父子之原稱仍帝后之初號而勿
輕有所變更則祖宗列聖之懿澤靈長而聖子神孫之
孝思維則無疆之休端在於此宗祏幸甚臣愚幸甚

繫詔獄廷

杖歷吏科左給事中以疾去起故官遷工科都給事中疏言內閣
桂萼翟鑾稱病三月未嘗以曠職懇辭張璁久專政權亦未聞引
賢共濟乞諭萼鑾亟去簡用兩京大臣及家居耆舊以分璁任上
摘其譌字詰之論璁毋避趣赴閣璁因言漢忠謀宜合備列堪內
閣者帝即令漢舉所欲用漢惶恐言臣欲璁引賢無私主帝怒責
平湖縣志

卷五

人物 列傳一

五

漢對不以實趣以名上漢益懼言輔臣簡命出自朝廷非小臣所
敢預帝乃宥之奪俸一月尋出為陝西右參政告歸久之以故官
起山西不數月復致仕漢官建昌時李夢陽為江西學使檄毀淫
祠漢一日毀十五祠居諫垣最久其疏上武廟者三世廟者十有
四責回話者二奉詔逮獄受杖者一乞歸後自構園居曰序芳又
曰常足窩海內名人作歌贈之

詳地

著有漸齋集四卷奏議四卷

聲承集二卷初官記耳新偶談子伊有傳

程名臣朱列傳高事
功張仕績王列傳

王志此下有林桂傳据宋景關修志原委剛

陸杰字元望光祿卿滋子正德甲戌進士授兵部主事轉員外郎
中出為湖廣參議歷陞陝西副使榆林寇警上命趙總兵將京營
兵往援至則屯綏德不進杰親率標弁與鎮帥合兵出戰斬獲甚

多寇遁奏撤趙兵數歲無邊烽降者日至遷廣東左布政使五嶺以南擅番舶之利杰懲犯禁者數十人民始斂輯安南貢使不至朝議以都御使毛伯溫督師征討杰預偵安南隱事爲伯溫言可不煩兵而服伯溫以聞許便宜罷兵未幾莫登庸果上表請罪補貢擢右副都御史巡撫湖廣世宗幸楚章聖梓宮南耐水陸供億浩繁杰處分若素定進工部右侍郎仍撫其地會以言致仕去久之御史王應銓疏薦以原職召還工部卒于官贈尙書杰負氣剛直侃侃不阿自爲郎時武宗南巡杰與黃鞏陸震伏闕極諫廷杖四十幾絕而甦由是直聲震天下入仕四十年歷五省十三任皆積勞序遷所至有聲爲文明潔適勁有文檄奏疏若干卷子光弼曾孫鏊光弼廕授南都督府都事張志作參軍孝友能文章講學不宗

平湖縣志

卷五

人物 列傳一

六

禪悟鏊有傳

程經濟朱列傳高事功張仕績王列傳

劉玘字廷璧一字南谷少有才名博綜今古一時目爲經筵正德

丙子應天舉人授南直五河知縣蒞任歲大饑輸家粟以賑全活

數千人五河不解織絀爲造器教之時有前姜後劉吾德以休之

謠六年課最擢南刑部主事卒祀名宦

程清修朱列傳高事功張仕績王列傳

陸槐正德己卯舉人授江西

王志作陝西誤考陝西縣名無萬年字

萬年知縣民有

兄弟相訟置不理久之召與語語次在原之好曰可以人而不如

鳥乎兄弟感悟訟遂解祀名宦

程篤行王列傳

屠應竣字文升號漸山刑部尙書康僖勳第六子嘉靖丙戌進士

選庶吉士時張璁秉政改諸吉士爲部曹應竣授刑部主事歲季

秋囚當決者已三覆奏矣上疏請緩死上覽奏如所擬得全活者

二十餘人戊子奉命校文江西閣大臣有屬其三子者唯唯退而
曰國家百七十餘年惟貢士之法秉公不廢故巖穴之士得以自
見苟徇私請將安用選試爲於是遂行至則夢人有以酖進者辭
不受覆地地墳覺曰甯墳毋亂卒無所私事竣還報閣大臣怒曰
屠主事侮予其以我力不能令若遠戍乎已而閣大臣竟以事罷

去調禮部歷員外郎中時上定禮樂肇建郊祠應竣應制陳言又

議薛瑄從祀皆稱旨

應制陳言疏臣等伏覩制命百官稽古議禮考天地日月羣神合祀之是非博採羣議責

之必言廣聽克讓合天下之心以奉祭祀臣等有以知陛下之事
天明事地察也臣等竊聞治人之道莫急於禮禮有五經莫大於
祭祭者非物自外至者也自中出生於心者也陛下慮大祀之典
神祇失位聖心所格上通於天卽此心也祭祀之本立矣臣等復
念陛下開兼容之路而臣下犯緘默之戒誠有大不可者竊以古
昔所聞并愚陋之見爲陛下陳之竊惟本朝大祀之禮所可議者
三而願加聖心者四夫古之郊祀其詳不可得聞矣禮曰燔柴於
泰壇祭天也瘞埋於泰折祭地也周禮大司樂冬日至地上圜丘

平湖縣志

卷五

人物

列傳一

七

之制曰禮天神夏日至澤中方丘之制曰禮地而則天地之分祀
明矣自漢元始以後議者牽合附會乃合祀天地於南郊後世沿
訛襲敝墮廢古典中間分合之議迄無定制我朝統一中夏凡典
章文物一舉先王之盛而祀天饗帝禮之大者願尚襲漢唐之舊
儀此其所可議者一也古者天神地示之祀必求諸陰陽故冬至
祀天夏至祀地日月星辰司中司命風師雨師天神之類也合之
圜丘社稷五祀五嶽山林川澤地示之類也合之方丘至於六宗
四望又皆有專祀焉是故陰陽定時上下定位分合有宜此百王
不易之禮也後世孟春郊祀從以羣神配至于有餘位晉賀循已
非之我朝創立郊殿環以二十四壇去其淫瀆之祠稽之祀法亦
云正矣然日月止一從祀而朝日夕月之初制弗行神祇鬼人上
下聚列而天地卑高之分未正此其所可議者二也皇祖卽位之
初創制立法首建圜丘方丘於鍾山之陰陽每歲分祀天地又以
仲春秋分專祀日月自十二年以後始創合祀之禮則分祀亦皇
祖之舊也夫從祖而與古弗合固不若從祖而循古者之尤爲愈
也況王者之制多更數世而定其儀文制度亦必潤色損益而後
全陛下制心禮義見其精微建中和之極宣人情之所安去百代
之敝文以復三王之舊此萬世一時也此其所可議者三也臣等
又竊聞之禮曰天子之祭也與天下樂之是故表文以備物修德
以立本其御下也蓋之如天容之如地照臨之如日月體元育物
無有疾戾四海之內歡欣交通明德馨香上帝悅豫由是宣之樂
以達中心之和故郊之樂六變而天神降地之樂八變而地示出

此無他致和之極也伏惟陛下懷保小民慎簡守令而郊祀之禮
下詢臣工無間小大帝王之德誠無以加矣臣等竊覩制命之辭
不無尚疾異同之論是以私憂過計誠恐在廷之臣或有考禮不
定執論不一上干天威陛下因而怒之則雷霆之下或多摧折者
其於盛德誠恐少損萬分之一伏望陛下體古聖人隱惡揚善之
心用其公言容其拂逆俟彼徐考而自定則聖德益昌而感神之
本無不至所謂願加聖心者一也禮又云天子卜郊則受命於祖
廟而作龜於廟宮言慎之至也夫以歲郊恆典而先王至慎如此
況夫創建鴻業廢百年之舊以定中興之治其可不慎哉書曰汝
則有大疑謀及乃心謀及卿士謀及庶人謀及卜筮郊祀之禮陛
下所謂大疑者也聖志先定卿士協從固有不言者臣等尤望
官稽漢時故事刊刻聖制頒之宗室及南京各省官員俾其博考
古制俟以歲月各列條件上陳必待人謀僉同然後斷之睿思肇
舉大禮則所謂大同之慶身其康強子孫逢吉者在是所謂歷加
聖心者二也國家大祀殿之制規模宏麗窮極尊奉凡百六十年
來天帝降格百神萃享自近郊數十里望之鬱然穹窿為朝廷南
面巨案今日不殿而壇則大祀殿將安置之萬一有所改易議及
簷棟誠恐天神震驚朝野異色而小民無知者亦必狂視駭聽
言相驚大非國家之利所謂願加聖心者三也夫殿宇既不可議
室祀又非古禮則大祀殿必將存之而闔丘之祀又必建之他方
其齋宮殿房樂院亦必創為新制與舊相等方丘之制又必

平湖縣志

卷五

人物

列傳一

六

與園丘相等其人力工價玉石土木之費必將數十巨萬況今仁
壽宮先蠶壇起工在即誠恐今之財力有所不贖伏望陛下豫令
戶工二部度其經費量今日之財力既周二壇之外足餘國用幾
年然後鳩集大工成之不日則陛下制豐保大之慮周而亦無時
細舉贏之患所謂願加聖心者四也臣等下愚不足以對揚休命
謹昧萬死塞明詔惟陛下垂神明之聽以無忽芻蕘之言天下幸
甚議薛瑄從祀疏先該禮部題覆言官建議請以前禮部左侍郎
薛瑄從祀孔子廟庶奉聖旨是著翰林院詹事府左右春坊司經
局國子監堂上官人各上議欽此欽遵備行到臣臣竊惟王者褒
崇聖學秩祀諸賢所以殊有道昭民則報功敷教不易之恆矩也
陛下建德中興禮樂明備不釐殷典統一道真茲者復以薛瑄應
否從祀下侍臣博議賜制臨決以加惠斯道甚厚示後世誼甚美
臣誠愚昧不足以奉休命禕末論謹案瑄勤學好古講道授徒進
無比周退無願望居位盡職行誼卓然其所著讀書錄篇帙雖簡
要皆周程朱子之格言反之於身冲然篤悟內不自誣外不誣人
固聖學之流宗儒者之遺範也或者乃曰從祀以報功貴釋經以
衛道臣至愚昧竊謂不然夫孔子所以刪定六經垂之萬世者固
欲學者博求蓄德飭已反躬知性修身由微至著於是聖人之功
化可幾也豈徒垂空文資誦法合後世知有經籍云爾哉去聖既
遠重遭焚坑之禍道術遂廢當其時能補緝舊文修明六學使聖
人之言不絕於世後之行道者猶有所持循則二十二經師之功
也宋儒彙興微言盡發道學章明迄至於今無所失墜煥乎不待

論說而後顯苟能奉彝訓慎力行求無叛於道斯已矣雖馳辯若綴華反無益於支離也是故議賢以祀也漢晉貴傳經本朝尚篤行所值之時異也瑄雖無所註釋至其律已處官之狀求之聖朝可謂篤信好學有所不為者矣臣又惟今之儒者非無所論述之難也黨異伐同抑古自是勦經傳之緒餘以肆其曲說詆譏儒先尋末失源言有被葉其流將離經背道為世大疵無乃學未有獲而空言以眩世者之過歟如瑄者斥言任行斤斤不踰且當科目詞章之餘崛然奮起卓越自信卒為本朝理學名臣稱首願不異哉夫古之有道德者生使教焉沒則以為樂祖祭於瞽宗瑄流風遺行為當世所推得自聞見以之俯坐孔庭明示崇顯實昌文之公議昭協之令儀且與古祭於瞽宗之義合臣愚以薛瑄從祀可惟聖明俯賜裁擇折衷羣言改翰林院修撰尋奉命校累朝寶訓實錄進侍讀經筵先是交趾弗靖幾二十年詔廷臣議有才望者往諭之廷舉應峻應峻奮然而起曰臣無橫草之功幸侍講幄得奉使命當宣天子威德聲萬里外不亦偉乎頃之竟罷遣使云尋陞春坊右諭德時春宮初建慎簡僚案而諸臣幸有渥恩覬為宮僚者甚衆於是給事中御史槩論諸宮僚應峻

平湖縣志

卷五

人物 列傳一

九

亦在論中章一再上所論十八人者皆罷免有旨獨留應峻或謂之曰天子方知君誠以此時奏賦頌必得近幸喟然曰臣蒙恩待以不誅雖捐軀暴骸無以自効廼欲乘機徼進邪素修謹橫被口語頗懷不平且耻不自表見遂抗疏乞歸歸而疾作竟不起應峻雅好文史雖疾甚不釋手為文奇宕有司馬子長楊子雲之風著有蘭暉堂集八卷載明史藝文志子孟元仲律叔方孫謙曾孫襄孫孟元封吏部主事仲律叔方有傳謙隆慶戊辰進士官山東提學副使襄孫萬歷乙卯舉人終刑部郎中檇李詩繫云應峻同時吳縣袁永之裘無錫華子潛察鄞縣陳約之束晉江王道思慎中並有盛才皆與之友其學日益闕尤長於詩諸體雄麗允為七子開先生平好為奇節豪宕風發飲酒百鍾不醉卒以病廢程文學朱列傳高文苑張文苑王列傳

陸鼇字子任號南溟九歲有悟人稱小象山嘉靖戊子舉人授江

西臨江府通判江盜橫甚單騎諭降之當事復議剿鼇爭曰已降而剿何以信民令而不信民始疑矣殺降不仁疑民不智有死而已不敢奉命乃寢督儲使者至屏其贈金使者怏怏忽排闥入唯見圖書數卷歎服而去署新淦值亢旱禱于蒙山龍祠徒步陟險裂足流血刻期雨至遷南康府同知淦民思之累贈江西巡撫右僉都御史子萬垓有傳

程經濟朱列傳高事
功張仕績王列傳

姚篚字希實工部郎中參子嘉靖辛卯舉人授江西廣信府推官治獄明允創築玉山城置戍分水溫陵相水三關礦徒山賊不敢嘯聚南安界嶺表素號難治篚承檄往理夙弊盡滌遷南直宿州知州招撫流亡給牛種墾田四千頃贖鬻子女幾千人捐宿逋二萬五千立社倉以備凶年教民機杼至今賴之更陝西秦州守尋

平湖縣志

卷五

人物

列傳一

三

陞南刑部郎中擢貴州僉事乞休歸治園于金章湖上爲逸老計卒贈太常寺卿孫士慎有傳

程經濟朱列傳高事
功張仕績王列傳

孫校字右文嘉靖壬辰進士兩執喪不入城市故業悉讓與兄弟

初授工部主事辭荆南權稅裁革諸司羨餘省大工煩費轉兵部武選郎中武弁賄請悉謝絕忤嚴嵩謫廣東提舉轉衡州府同知

歷南刑部郎中改吏部尋轉四川副使出淹繫撫豪酋平徭減賦

以瘁乞歸

程經濟朱列傳高事
功張仕績王列傳

馮汝弼字惟良號祐山嘉靖壬辰進士授行人遷工科給事中奉命視光祿及盛甲劾中人張時等下獄吏部尙書汪鉉恃寵驕恣言官爭之不得汝弼投袂起曰擊之不勝則其志益驕事有不可言者吾當以死爭上疏列其罪

劾汪鉉疏近該科道等官薛宗鑑等交章論劾吏部尙書汪鉉

罔上徇私等事隨該銚自陳伏蒙陛下睿旨勉留銚續自陳兼致
辨許奉聖旨卿受銚衡重託又方督理大工宜照前旨即出供職
人言不必深辨欽此臣惟銚之奸邪聖明在上固已洞察之矣然
猶拳拳慰諭至再至三不遂屏逐者非為銚惜惜夫大臣體貌以
全始終之義耳臣竊以為納汚含垢不輕絕人帝王包荒之仁也
遠佞除奸不使病國帝王遏惡之義也陛下以堯舜之仁覆冒於
上而工解之惡錮蔽不俊日增月益以自殄絕則流放竄殫舜
之義亦豈可終廢哉銚被論劾例該自陳乃復強辨且自譽曰至
公無私從前未有則誠是矣臣請昧死為陛下言之往年大同之變
謂從前所未有則誠是矣臣請昧死為陛下言之往年大同之變
銚為元宰義同休戚乃遣其子盡歸貨寶空室以觀成敗是心也
其於陛下之休戚何如也則銚乃背德負君保家忘國從前所
有者也銚於大學士張孚敬召入則附之及其罷歸則背之迨其
再召則又附之孚敬惡其反覆不為禮也乃私攜重寶假名密煎
跪而進之則銚乃廉耻掃地狐媚苟容從前所未有者也邇者三
年考察銚子納賄私宅銚宿部堂阻於內外門禁之嚴輒集私帖
假作公文投遞則銚乃賄賂公行瀆貨無厭從前所未有者也嘉
靖十二年朝審重囚銚當秉筆乃對眾攘臂大言曰馮恩欲奏請
誅我我今先殺馮恩遂審情真夫刑賞陛下之大權所謂臣無有
作福作威者也假使馮恩罪果應誅是亦陛下之大權而以為我
先殺之則銚乃專恣無君攬威劫眾從前所未有者也給事中等
官葉洪等劾銚奸佞等事或降其秩或去其官卒無一人得免者

平湖縣志

卷五

人物

列傳一

甚至刑部郎中賈名儒勸銚賊吏欲論如法即日補雲南則銚
乃任情報復中傷善類從前所未有者也若曰至公無私則聖明
在上清議在朝公道在天下誰得而誣之亦誰得而掩之銚於諸
臣論劾不自引咎願乃摘為私忿指為偽黨是蓋欲導陛下追逮
言官阻塞言路以自便其無忌憚之為耳昔編修楊名其疏上千
聖怒銚遂乘機論奏欲將劾已科道等官斬首以正國典夫劾銚
科道自銚視之則為罪由朝廷視之未必不為忠乃欲斬朝廷之
忠臣以洩私憤銚無朝廷久矣自有史冊以來良臣碩輔有導其
君以殺諫臣者乎惟王鳳之於王章則有之矣然非聖世之所宜
聞也陛下天地含容不即誅譴今復鼓其餘奸肆為計搆夫臺諫
陛下之耳目所有論劾無非為陛下明目達聰以決壅蔽焉耳請
臣知有陛下而不知有銚是故論銚而無懼銚知有己而不知有
陛下是故以諸臣為私忿為偽黨而計搆不已臣任行人二年入
科八月既無恩怨亦寡交游又何忿何黨而論銚若是蓋叨陛下
耳目之司誠惡夫奸臣之壅塞佞臣之欺蔽是故列銚之罪發銚
之奸使不得聾聵陛下之視聽以播其惡於天下耳至其事之有
無罪之輕重聖明聖斷鑑空衡平無所於逃諸臣何與焉銚亦何
與焉銚乃妄為辨許欲陛下為之考驗參酌以施乾斷則是臺省
為聚訟之地科道為構訟之官彼此株連動相劫制元凶極惡誰
復敢言君門萬里何由聞見於是罔上行私欺君誤國之臣始得
竊榮寵以終身鼓威福以恣惡陛下何以上行私欺君誤國之臣
蒙至治之澤哉伏望皇上帝奮乾綱俯從輿論將汪銚竄逐勿疑

更選公忠清亮人望所屬天下第一流用秉銓衡則大奸去而羣
陰屏伏正人進而衆賢和衷聖朝中興之治有賴太平之基在是
矣 鉉罷汝弼謫南直潛山縣丞潛無志汝弼創成之陞常熟知縣

築葉蕩等開立法均田減耗數萬調餘千核虛糧悉去之監司頒
其式陞南直太倉知州革富民供應有劇盜聚江海間前守不能

詰設方畧擒之復襲擊其黨歲稔部使督逋株連給之行悉縱之
既轉揚州同知而前使者以逋稅復論調乃喟然曰世道如是安

能腴民脂要仕譽耶既歸以常熟均田法告趙郡守瀛以太倉均
役法告顧邑令廷對行之為邑永利值倭寇發海上往言於督府

請城平湖首輸為衆倡及寇至賴城守得全築漢塘五十四里土

石橋堰四十餘所歲葺之汝弼漢塘紀事嘉靖辛酉冬余行自漢塘至郡忽風雨大作見兩涯斷岸泥濘

僕夫牽輓及行道徒涉顛頓入水前後相繼飄泊有至不起者余不忍見也歸辦竹木輒石沿隄修築五十餘里不終歲而竊取圯

平湖縣志 卷五 人物 列傳一 三

壞者居多自是十餘年時圯時葺即今萬厯開天余年七十六矣
自念去日苦多恐不能為久長計於是蓄料鳩工修建石梁木梁
三十二座修築石堰土堰一十五處余自歸田以來上愧國恩下
慚民隱見聞所及不容自己為吾子孫者稍有餘力當世世葺之
若其未備則有望於 邑災賑米數百石瘞孳屍立義冢族屬親故
吾邑同志諸君子云

貧者為代舉婚喪年七十九卒邑人請特祠之累贈山東參政著

有補備遺錄一卷紀建文時事祐山集十六卷載明史藝文志三蘇文纂

史案若干篇子敏功敏効各有傳程名臣朱列傳高事功張仕績王列傳

俞咨伯字禮卿幼穎異弱冠中嘉靖壬辰進士歷官工部營繕屯

田司員外時貴戚武定侯專權咨伯奉法惟謹不少徇出為福建

泉州知府值歲饑疏請賑活者甚衆尤加意學校諸生邱有岳貧

不能婚乃為捐俸娶之卒登第尋以河南副使轉山西提學甄別

不爽遘疾歸卒於家年僅三十六程經濟朱列傳高事功張仕績王列傳

王梅字時魁號柘湖嘉靖壬辰進士選庶吉士改刑部主事嘉靖十五年建昌侯張延齡下獄刑部主事沈椿以戚畹故不令入重獄代者踵之事發前後提牢官二十四人俱下鎮撫司獄擬杖梅與焉謫南直滁州判官卒于官梅才氣豪上嘗言人生如白駒過隙所賴以不朽者功業文章耳若碌碌窮年虛生虛死與蟻螻何異每與馮汝弼俞咨伯終日論難至忘寢食或對榻劇談輒至夜分著有柘湖遺稿歿後五年汝弼守太倉爲之刊行元孫潔順治戊戌進士橋李詩繫云梅在滁時縱情山水興會所至發爲詩歌清深老健迥然塵垢之外可以振華啟秀嘘枯吹生使千載下猶想見其人程文學朱列傳高文苑張文苑王列傳趙伊字子衡山西參政漢季子弱冠舉嘉靖壬辰進士授刑部主事陞南兵部職方司員外尋轉武選司中山王後徐錦衣某以傳

平湖縣志

卷五

人物

列傳一

三

奉得官法不得襲附嚴嵩曲得上旨伊爭不可拂衣還久之起南車駕司置郵關符查禁甚嚴要路嫉之擢廣西按察副使年方四十乞終養歸隆慶萬曆間再三召卒不起惟日遊湖山賦詩自娛有序芳園稿二卷子邦秩邦程邦黍孫琮邦秩字元敘以孝聞年十五博通經史萬曆丁丑進士授南直海門知縣均賦減戍築呂四堤開鹽運河以勞卒官士民特祠祀之稱伯林趙公祠邦程字元憲南直蘇州府訓導吳士矜式遷福建連城教諭歸邦黍字元美嘉靖戊午舉人任江西南安府推官多所平反權關南贛溢額四千餘金佐公帑以母老乞歸琮字伯裕邦秩子博學以周易入泮春秋食廩禮記選貢書經中萬曆己酉順天舉人又改毛詩著葩經約說十卷載明史藝文志署高陽教諭卒于官程清修朱列傳高事功張仕績王列傳

陸山字子周以貢選山東臨清州判請罷馬草散腐易新至十有八萬擢北直阜平知縣值水患多逋賦力請上官奏免田租之半又請增弟子員文教大振尋調山東夏津縣遷光祿署正忤權要歸讀書自得著有孝經正義太極直解明吾篇等書子萬源字天澄由南雍乙榜授光祿署正性孝友父病篤跣足徧禱祈減算益壽及居喪廬墓哀毀傷性爲其父建陸孝子祠于東湖濱周卹親族婚葬舉火施無倦色當事重其德行五舉大賓

程儒林朱文苑高文苑張仕績

王列傳

曹校字世儒號鵝川由選貢授光祿寺丞性孝篤宗誼樂善好施子光燁光有傳燁萬曆丁丑進士任南直甯國知縣

高行誼張義行王列傳

陸炳字文明祖塿以軍籍隸錦衣衛爲總旗父松襲職從興獻王

平湖縣志

卷五

人物 列傳

五

之國安陸選爲儀衛司典仗世宗入承大統松以從龍恩遷錦衣副千戶累官後府都督僉事協理錦衣事炳武健沈鷙長身火色行步類鶴舉嘉靖壬辰武進士授錦衣副千戶松卒襲指揮僉事尋進署指揮使掌南鎮撫事十八年從帝南幸次衛輝夜四更行宮火從官倉猝不知帝所在炳排闥負帝出帝自是愛幸炳屢擢都指揮同知掌錦衣事未幾擢署都督僉事又以緝捕功擢都督同知炳驟貴權日益重仇鸞得寵陵嚴嵩出其上獨憚炳炳曲奉之不敢與鈞禮而私出金錢結其所親愛得鸞陰私及鸞病亟炳先盡發其不軌狀帝大驚立收鸞勅印鸞憂懼死至剖棺戮屍炳先進左都督錄禽哈舟兒功加太子太保以發鸞密謀加少保兼太子太傅歲給伯祿三十三年命入直內苑與嚴嵩朱希忠等待修

元三十五年三月賜進士恩榮宴故事錦衣列于西帝以炳故特命上坐班二品之末明年疏劾司禮中官李彬侵盜工所物料營墳墓僭擬山陵與其黨杜泰三人論斬籍其資銀四十餘萬金珠珍寶無算尋加炳太保兼少傅掌錦衣如故三公無兼三孤者僅于炳見之炳頗結權要然周旋善類亦無所吝帝數起大獄炳多所保全折節士大夫未嘗構陷一人以故朝士多稱之者三十九年卒官贈忠誠伯諡武惠祭葬有加官其子繹為本衛指揮僉事隆慶初用御史張守約言追論炳詔削秩籍其產奪繹及弟太常少卿煒官坐贓數十萬繫繹等追償久之資盡萬曆三年繹上章乞免張居正等言炳救駕有功且律非謀反叛逆奸黨無籍沒者况籍沒追贓二罪并坐非律意帝憫之遂獲免錄其孫逵為錦衣

平湖縣志

卷五

人物 列傳一

五

千戶世襲

程經濟朱勳爵高事
功張仕績王列傳

沈一卿字應夔號麟江黃梅教諭龔季子龔課士有法荆王慕其

高節請于朝嘉靖甲午勅封一卿為中奉大夫宗人府儀賓尙荆

王崇明

張作甯

郡主

盧生甫東湖乘云一卿隨父任適荆王崇明郡主及笄將選儀賓故事官其地者子弟皆得送

選及期王與郡主皆御樓選者數十人集樓下人各一席一卿意不在選舉箸大啖餘皆彬彬為文雅態王舉目周覽語郡主曰汝意何屬主顧一卿王曰我意亦然坐如山食如虎是人有厚福一卿食猶未已宮女捧彩毯自樓擲下直墮懷中宮監捧而入眾皆駭散王具章入奏初授上士秩三加乃至儀賓始尙主後龔歸老主告假夫婦率宮眷百餘人舳舻相屬至虹霓堰奉養其親造屋千餘間自沈氏之居以達於山下里許三年然後去子孫遂為湖廣人 朱勳爵高文苑張仕績王列傳

沈垣字子完嘉靖乙未進士授大理寺評事歷寺正參駁平允錄

囚廣西出冤民劉榮等七十餘人出知廣東惠州府府介嶺海僅攜三僕抵治事至立斷務得民情有李鑑者和平劇盜也負險剽

掠垣設方畧調兵餉遣人入巢諭禍福鑑自縛降餘黨立散詣省
中瘴癘卒于番禺官舍諸僚佐檢垣篋圖書外無長物惠人德之
祀名宦

程篤行朱列傳高事
功張仕績王列傳

孫植字斯立號蜚川山西僉事璽子嘉靖乙未進士授南刑部主
事中官潘珍從子怙勢爲奸都指揮楊起昕乾沒慈慶諸宮費悉
正其罪尋以父疾終養服闋補兵部厯光祿少卿祠官祝釐費多
不經植爲簿正巨璫耿清至以鐵人稱之尋擢右僉都御史總理
河道轉刑部侍郎庚戌之變奉命守崇文門時孫少卿分守外城
以調兵不至疏劾本兵楊博夜呼崇文門甚急植以博素習邊事
却其疏不納而亟遣騎馳報趣發兵時多其功旋轉南右都御史
掌院事正已率下諸御史無敢毛舉苛細隆慶初詔與吏部尙書
平湖縣志

卷五

人物 列傳一

三

毛端簡考察京朝官中外稱服陞南刑部尙書中人王采盜伐孝
陵樹邢保侵剋工匠銀張進朝詐傳詔旨選宮嬪皆據法論抵尋
以勘徐氏獄罷歸初魏國有七子而無適庶長邦瑞當嗣幼子邦
甯母嬖欲干爵先請封其母鄭詭云繼適邦瑞訟言邦甯券許助
教鄭如瑾千金謀奪爵大司成姜寶疏論事下南法司植會諸曹
雜治辭具大畧謂邦瑞宜嗣如瑾以儒官納交勳胄宜免官魏國
徇情溺愛宜罰鄭氏娶于適夫人存日誥命宜追奪獻上輿論翕
然時新鄭高拱再起方修隙于徐文貞階以植寶皆文貞門人而
如瑾爲新鄭鄉試所取士護之部徇其意脫如瑾司成坐贓給事
中王植遂撫蜚語劾植奉旨冠帶閑住植終不自明家居十七年
撫按前後疏薦召起工部尙書上疏引年以原職致仕卒賜祭葬

贈太子太保謚簡肅著家訓一卷載明史子成名萬曆己卯舉人

成泰有傳程名臣朱列傳高事

陳善道字敬夫嘉靖庚子舉人授江西德安知縣築城以備流寇

民有奸法者警治之尋倅南直廬州掌錢穀不私贖鍰陞松江同

知撫治小民嚴治逋首所創規條俱可遵守歸田二十餘年布衣

蔬食不減寒素自謁選時有田二頃歸而如故清節可想見云孫

泰來有傳程清修

陸杲字元晉嘉靖辛丑進士授刑部主事理漕撫刑執法不阿與

漕臣左會漕臣罷官杲亦罷畧無愠意且曰得砥修禮訓以式鄉

閭豈不若一官耶乃倡諸子置田八百畝歸景賢祠歲收其入以

周族人謂之族田又置田五十畝歸世德祠畀宗子俱禴祀謂之

平湖縣志 卷五 人物 列傳一 三

祭田羣里族之子弟置塾講業置田二百畝以給稍廩謂之學田

宗族日繁更徭不支置田二百畝分贍之謂之役田嘉靖中島夷

內寇捐資佐築城費邑人賴之年七十三無疾端坐而逝累贈刑

部尚書子光祖光祚光宅各有傳程經濟朱列傳高行

陳謨幼失怙嗣伯父鼎四列副榜聲稱藉甚嘉靖間貢于鄉部試

第一授南城兵馬指揮改長蘆運判攝使事土城傾圮盜入劫庫

謨引頸就刃曰俸可得庫不可開盜亦解去尋致政不能治裝僚

友助之歸晚乃築穴于嗣父側曰我如他穴後世子孫或以父非

本生疎于拜掃人服其始終完孝子志道字凝甫以貢選南直長

洲縣丞有私以金者撫膺示之其人慚退期年掛冠歸太守檄

之扁舟已抵舍矣著有惜陰銘秋夜吟喻世格言歿之日整衣

自題其像翛然以逝

程儒林朱孝友高行
誼張介節王列傳

俞乾字一清九歲能屬文里中稱神童性至孝居喪廬墓三年中
嘉靖甲辰進士授刑部主事秉公執法勢豪犯重辟者夜懷金貨
緣中貴人以請乾竟致之理時嚴嵩傾夏文愍言論死西市乾適
監刑義憤發中忽仆地移時始甦遂乞歸衆憐其貧贖之悉不受
楊忠愍贈詩有直道難容君有去孤忠自許我無生之句抵家二
日卒

程篤行朱列傳高事
功張仕績王列傳

陸光祖字與繩號五臺年十七與父杲同舉于鄉尋登嘉靖丁未
進士除北直濬縣知縣兵部尙書趙錦檄畿輔民築塞垣光祖言
不便錦怒劾之光祖言于巡撫請輸雇值民乃安郡王奪民產光
祖裁以法遷南京禮部主事請急歸補祠祭主事歷儀制郎中嚴
平湖縣志

卷五

人物 列傳一

三

訥爲尙書雅重光祖議無不行及訥改吏部調光祖驗封郎中改
考功王崇古張瀚方逢時王一鶚挂物議力雪之旣而改文選益
務汲引人才登進者碩幾盡又破格擢廉能吏王化江東之邵元
善張澤李琪郭文通蔡琮陳永謝侃或由鄉舉貢士或起自書吏
由是下僚競勸訥亦推心任之故光祖得行其志左侍郎朱衡銜
光祖有後言御史孫丕揚遂以專擅劾光祖時已遷太常少卿坐
落職閒住大學士高拱掌吏部謀傾徐階階賓客皆避匿光祖獨
爲排解及拱罷楊博代爲吏部義之特起南京太僕少卿上擢
本寺卿又就進大理卿半道丁父艱萬厯五年起故官張居正以
奪情杖言者光祖遺書規之及王用汲劾居正居正將中以危禍
光祖時入爲大理卿力解得免居正與光祖同年相善欲援爲助

光祖無詭隨及遷工部右侍郎以議漕糧改折忤居正御史張一
鯤論之光祖還引歸十一年冬薦起南京兵部右侍郎甫旬日召
為吏部悉引居正所擯老成人布九列李植江東之力求居正罪
光祖言居正輔翼功不可泯與言路左植輩以丁此呂故攻尙書
楊巍光祖右巍詆言者言者遂羣攻光祖乃由左侍郎出為南京
工部尙書御史周之翰劾光祖附宗人炳得清華帝不問御史楊
有仁遂劾光祖受賕請屬巍力保持之事得寢光祖竟引疾去十
五年起南京刑部尙書就改吏部率同官劾東廠太監張鯨且乞
宥李沂已言國本未定由鯨構謀請除之以安宗社及帝召還鯨
復率同官極諫定國本疏竊惟人主能擅千萬年之崇名者莫先
於去大奸培千萬世之鴻業者莫急於定大本去
奸存乎斷定本貴乎豫然二言者非聖武神明之君弗能納也而
臣幸逢聖武神明之主亦何憚而不言乎近者司禮監太監張鯨

平湖縣志

卷五

人物

列傳一

完

智足通神富能敵國誠天下之大姦也皇上燭其姦而屏之私宅
矣願不出都城則易通關節退閑日久則將復營求又鯨黨與心
腹揚言惑衆謂皇上蚤晚必復召入臣等數千里外竊料聖明之
必無此事也但鯨之險惡實有諸臣之敢怒而不敢言者則事關
宗社臣請不避斧鉞昧死為陛下陳之夫元儲者九廟之所憑託
萬方之所瞻依所謂天下之大本是也皇上三年前冊立已有成
命矣所未即宣明詔者蓋欲擇吉以待時耳內外臣工皆知聖心
久定侯旨遵行惟獨張鯨變計多端混淆觀聽欲邀非望之福罔
恤非常之禍誠恐愚民無識以訛傳訛萬一有干紀之夫更相煽
動或釀他虞此又臣之所大懼也故張鯨一日不去則朝野之人
心一日不安皇儲一日未建則祖宗之神靈一日未懌天下安危
之機繫於是矣陛下奈何不割棄造孽之小豎而深圖保祚之長
計乎臣歷觀前史凡宦官之好者小之則私布外交公行貨賄大
之則潛結內援動搖國本公行貨賄者蕩敗官常動搖國本者傾
危社稷今張鯨蕩敗官常諸臣已言之詳矣而鯨之傾危社稷則
臣之所謂敢怒而不敢言也臣等久荷聖恩職司刑憲且衰殘老
病報効之日甚短若心知國家之有隱憂而不盡言悟主冀銷禍
萌一旦身填溝壑其目不能瞑也伏祈皇上蚤發宸斷將張鯨依
部擬明正刑章或竄逐遠方絕流議以安百官萬姓之心仍勅各
部大臣恪遵前旨豫上冊立事宜候陽春熙泰之時應天順人舉
行盛典則四海歡騰入為刑部尙書帝嘗書其名御屏吏部尙書
寶祚有無疆之慶矣

宋纁卒遂用光祖代而以趙錦代光祖御史王之棟言二人不當用帝怒貶之棟雜職時部權爲內閣所奪纁力矯之遂遭挫光祖不爲懾嘗以事與大學士申時行迕時行不悅光祖卒無所徇時行謝政特旨用趙志臯張位時行所密薦也光祖言輔臣當廷推不當內降帝命不爲後例二十年大計外吏給事中李春開王遵訓何偉丁應泰御史劉汝康皆先爲外吏有物議悉論黜之又舉許孚遠顧憲成等二十二人時論翕然稱焉頃之以推用饒伸萬國欽忤旨文選郎王教以下盡逐光祖謂事由己引罪乞休爲郎官所宥不許及會推閣臣廷臣循故事首光祖名詔報曰卿前請廷推推固宜首卿光祖知不能容日懷去志無何以王時槐蔡悉王樵沈節甫老成魁艾特推薦之給事中喬允遂劾光祖及文選

平湖縣志

卷五

人物

列傳一

三

郎鄒觀光光祖遂力求去許黜驛在籍五年卒贈太子太保謚莊簡光祖清強有識練達朝章每議大政一言輒定初官禮部將擢尙寶少卿力讓時槐不揚劾罷光祖後再居吏部推轂之甚力趙用賢沈思孝以論此呂事與光祖左後亦數推輓之御史蔡時鼎陳登雲嘗劾光祖光祖引登雲爲知己時鼎視鹺兩淮以建言罷商人許于南刑部光祖時爲尙書雪其誣罪妄訴者人服其量

明釋

類鈔云陸光祖初爲濬令濬民盧柎富而才忤前令誣以重辟數十年相沿以其富不敢爲之白陸至訪實卽日破械出之然後聞于臺使者使者曰此人富有富聲陸曰但當問其枉不枉不當問其富不富果不枉夷齊無生理果枉陶朱無死法臺使者甚器之後行取爲吏部黜陟自由絕不關白臺省時孫太宰丕揚在省中以專擅劾之既落職辭朝遇孫公因揖謂曰承老科長見教甚荷相成但今日吏部之門囑托者衆不專何以申公道老科長此疏實誤也孫沈思良久曰誠哉吾過矣卽日草奏自劾失言而力薦陸陸由是復起子基忠基恕基志基忠字伯貞以廕授兵部司務時

陸由是復起

子基忠基恕基志基忠字伯貞以廕授兵部司務時

甯夏甫罷兵議東援朝鮮李中丞清正爲小臣所攻基忠俱抗疏
極言遷刑部郎中治指揮鄭光耀獄癸卯妖書事起禮部侍郎郭
正域被誣基忠獨周旋不避陸氏向有義田贍族基忠上疏請世
世蠲役報可欲復西湖忠宣公祠當路格不行以勞憤成疾卒後
十年始伸輿論快之基恕字澹園以廕任工部郎中有膽幹以宦
績聞基志字季高莊簡側室支氏出莊簡歿諭祭賜葬基志痛生
母不得耐赴京乞恩就詹事府主簿母獲邀封命母卒奉莊簡衣
冠合葬創惠宗祠於景賢祠後祀司寇杲以族之捐田及有功於
祠者配年七十八卒無子遺命不立後盡以產授兩姪耐祀長房
程名臣朱列傳高事
功張仕績王列傳

韓弼字汝良號懷南嘉靖丁未進士除江西豐城知縣明察威嚴

平湖縣志

卷五

人物 列傳一

政多奇績築堤塘創條鞭法民利之

豐城縣志云弼令豐時有醉人入酒肆遺金醒忘其處詣

告訊曰此無頭事誰命汝來曰禱神得筊一陽三聖卽批拘酒戶楊勝三入審一訊得金稱神明焉後知南昌府值

景藩就國請費羨餘民得不擾閩廣流寇將逼境亟議城豐躬自

相度慰藉士民財不督而輸力不驅而集三閱月工竣寇警恃以

無虞擢江西提學副使卽掛冠歸卒嗣子子祚有傳

朱列傳高事
功張仕績王

列傳

曹光字原實號賓湖嘉靖庚戌進士授中書舍人選福建道御史

巡十大庫督蘆溝橋都御史屠簡肅首錄其功嚴嵩柄國光以諫

開馬市謫湖廣都事歷陞福建福州南直徽州司理轉江西袁州

郡丞陞南京刑部員外禮部郎中丁艱起北京工部郎中出知福

建汀州府陞都轉運使遂解組歸家居二十年杜門謝客生平雅

慕司馬君實為人故自號原實孫繹祖會孫王志穎洙穎泗均有

傳宋列傳高事功
張仕績王列傳

屠仲律字宗豫諭德應峻次子嘉靖庚戌進士授江西弋陽知縣

擢南御史值倭入寇仲律條奏禦倭事宜禦倭五事疏畧一絕

於負海奸民通番互市倭人十一流人十二甯紹十五漳泉福人

十九雖槩稱倭其實多編戶之齊民也臣聞海上豪勢為賊腹心

標立旗幟勾引深入陰相窩藏展轉貿易此所謂亂源也曩歲漳

泉濱海居民各造巨舟人謂明春倭必大至臣初未信既乃果然

故禦盜之標在腹裏防守弭盜之本當邊海制之邊海諸處漳泉

福為始而甯紹次之其一禁放洋巨艦其二禁窩藏巨家其三禁

下海奸民三法者立而亂源塞矣即使舊賊未盡殄滅然而後無

所繼其勢自孤退無所歸其情知懼與今日往來自若者必不同

矣二防海口夫海口涯涘無際然賊泛海來犯放洋則衝濤入口

則起陸非可絕險而徑渡也故其往來所由出入可設險防拒者

姑自浙東西大江以南濱海數郡言之入平陽港則近金鄉入黃

花澳則近盤石而逼溫州入海門則越新河而寇台州入甯海關

入湖頭澳則窺象山定海而瞰甯波入三江口則搖尾於紹興入

鹽子門則垂涎於杭州入乍浦硤則流毒於嘉興入吳淞江則犯

平湖縣志

卷五 人物 列傳一

三

松江入劉家河入七丫港則寇蘇州此其大勢也中間經行或潛

形於馬蹟山或遁跡於大七洋及大小衢上下川則其要害也此

沿海諸郡之通患也故守平陽港拒黃花澳據海門之險則不得

犯溫台塞甯海關絕湖頭澳過三江之口則不得窺甯紹把鹽子

門則不得近杭州防吳淞江備劉家河七丫港揚威馬蹟大七洋

大小衢上下川諸險則不得掩蘇松嘉興此皆險地一處失守蔓

延各處不可以彼此分遠近異也且賊長於陸戰短於水鬪以其

船不敵而火器不備也在我宜用所長棄所短則莫若恃海船請

以見在把總船隻通行查齊不足則令福建如法添造或即令沿

邊地方買補每大小船百隻或五十隻號為一艘募以慣習柁工

水梢而充以原額水軍於前諸海口各量綏急以為置船多寡又

為遊腫數踪分布上流往來要害海軍芻糧衣甲之給比陸軍加

優令其更番巡邏併力捍禦來過其衝去擊其惰責以毋令賊入

賊入而力拒有功者陞賞其失備者重究此禦倭之長算也故法

不可不厲也三信賞罰臣聞倭之入也豈盡無軍之患蓋有有軍

而移入便地者矣有失於巡哨者矣其有買渡報水受其鈞餌者

矣若此則地方奚賴焉夫百處守之一處失之無益也平日防之

一日疎之無益也是在督撫及海道諸臣明信其賞罰耳夫荷戈

戟戴介冑爭鋒死刃者將士之能也保封城固郊圻全境安民者

守令之任也今之守令不肖者棄城守走矣其賢者大率遇警則

嬰城守耳其關廟村落委之無可奈何夫城之外獨非赤子乎且

邊海孤城猝然無備猶可諉也腹裏巖都江南奧壤寇非可長驅

而卒至者顧不能設險預防使徜徉去來若履無人之境則國家
建邦設邑張官置吏將焉用耶自今江南守令之職當以訓練士
兵保全境土為殿最仍勅吏部凡遇沿海守令員缺必慎擇其才
且賢者然後授之庶保障足賴耳四議調發近日徵調各處兵民
遠近四集徐邳山東永保川廣及軍門編調各府義勇無慮數萬
然師老財殫竟不見膚功之奏者臣請指諸臣不善用兵之弊陳
之夫古者用兵潛機密計電馳霆擊進退倏忽妻子莫聞所以能
有成功也今則先發後行剋期始動前軍未啟而先聲已聞其弊
一也古者名將算不百勝不敢輕動今也謀不預成計不先定其
行突進動陷伏中其弊二也守不據險屯不列要奔急救雖賊遁
我勞其弊三也法曰夜戰聲相聞足以相救晝戰目相見足以相
識權愛之心足以相死言兵之貴熟習也今也兵不專一主客雜
聚卒遇狡賊易衣變飾突然來前不能別識其弊四也兵無素統
將不預設一遇有警卒然命官本以烏合之人帥以未經識面之
將其弊五也夫三軍之衆所以昌白刃蒙矢石至死而無敢却顧
者威行之素也今法令始息紀律不肅進有必死之恐退無伏領
之慮是以畏敵而不畏將其弊六也地形不習險易不識趨利不
及避難不早其弊七也糧糗不儲料理不周遠戍勞役撫恤未至
枵腹待饑窮愁思歸其弊八也士不精選勇怯無辨前擊後懈謹
然而散雖悍夫勇士或以無援而力屈或見先奔而膽喪其弊九
也地狹人衆不能旋轉互相排擠雖有勇敢無以效其所長其弊
十也十弊不去雖頗牧操刃責育執戈莫能濟矣近日汀州如賴

平湖縣志

卷五

人物

列傳一

百戶兵敢死先登足當一面以不善用之使頭領陣亡軍士逃遁
如此則徵兵雖多亦何益哉夫賊非有遠畧大志約束號令不過
羣聚為奸利在貪淫耳所以制禦之則非兵少之憂而實寡算之
患蓋欲防盜者必知盜情欲制盜者必休盜心故必詳謀而熟計
之然後成功可期也互作勇敢沿海如沙民鹽徒打生手及村莊
悍夫皆勇敢可用然多樂效用於私室而不樂報名於公家何者
以公家勢遠而役繁也豪民以之保村里則有餘以之充行伍則
無益何者以行伍之多而心力渙也然則順其情相其宜以振作
鼓舞之必有術矣乞勅下各該有司通諭豪家大族及里巷豪傑
各為身家併力拒守其有能團結鄉民保固村鎮者先與免其糧
里押運重役及均徭一應雜差獲功者一體陞賞其有願受文職
審其果能保障一方及斬首十顆以上民得比輪粟例入監係有
職役者並得起送赴部與本等常選陞授閭里之人並得以其功
累增至赴部實選其不願官爵者則重給賞復恤之或亦制賊之
一策也近蘇松嘉湖之民常有糾集智勇乘賊怠玩或掩其昏暮
間能殺賊奪其輜重隨為官軍報其則而奪其功夫居民出石死
之力卒被劫奪曾不獲分毫之報不亦激衆怨而失民心乎又有
村民團結自相防護志在全家保妻子耳有司輒謂其能遂報名
入官以致人各畏避不敢復謀拒賊此又沮民之氣而抑其忿也
請諭地方官凡義民不願在官者不得一切附報且嚴禁官軍不
得攘奪民功則民見利而動無尋出知南直廬州府時軍興浩費
畏而奮將各思所以自效矣

更值景王之國郡邑騷然仲律一意節省費減他郡十之五歲大
稔民多逋稅爲出贖銀代償又出積穀數十萬平糶全活甚衆以
勞瘁卒于官 朱列傳高事功
張仕績王列傳

陸光祚字與培號湛菴吏部尚書莊簡光祖弟嘉靖己未進士授
兵部主事申貴戚晚奴隸竄籍府軍者盡汰去時伯兄典銓引疾
歸起補禮部歷三司建明皆關大體隆慶間屢疏請皇太子出閣
講讀詔取光祿銀十萬抗疏止之疏復屯田通錢鈔練土著去冗
耗倡節儉五事慮宗祿不支上疏請限服制開生業嚴法禁謚法
錫典過濫奏爲條例肅懷王無後堂叔越序乞嗣固爭不與南陵
王絕周王凱獲遺資疏請補宗室祿兩事忤柄臣出湖廣副使改
陝西提學校文稱得士然以是成疾卒于官生平清亮醇樸所生

平湖縣志

卷五

人物 列傳一

一

母亡故事無去官持服者光祚以請不俟報可而行嘗買一妾知

爲故家女厚遺遣還之有湛菴遺稿

程經濟朱列傳高事
功張仕績王列傳

陳九疇字天錫嘉靖辛酉順天舉人署北直昌平州學正郤贊賑

貧勤課造士知平鄉縣值水災設法全活者甚衆陞保定府通判

所督屯馬悉汰陋規轉知上石西州地多土司勦撫互用無何歸

年七十一卒之夕猶嘯傲詩酒弗輟云

程篤行朱列傳高事
功張仕績王列傳

馮敏功字元卿號小山揚州同知汝弼長子嘉靖壬戌進士授禮

部主事歷員外郎中出爲江西參議會浙兵挾餉鼓噪南豐敏功

召其長好語之曰而我鄉人也若所爲名曰賊天子檄大軍至蠶

粉矣餉不足吾爲若給令登舟受餼以一体導其前勒勁卒制後

兵乃戢陞淮徐副使備兵徐邳是歲河溢睢甯新安間大小十餘

決敏功晝夜并作凡所獨治南自由頭集抵青田八十里北自陸灣至呂梁四十里所與監司曹郎雜治直河南岸堤九十丈茶城而上接曹單隄百六十里一切指畫皆可經久遷山東左參政抗議泃口膠河俱不可開忤柄臣意自引歸巡撫張佳允以邊才薦起督漕于淮按視淮南邵伯等三河疏內河以通漕艘力任艱鉅致疾篤趣召同官囑曰內河誠便利然太逼湖隄易隕宜別爲護隄不卽數百里魚鼈矣顧其子伯禮曰吾死有賻其歸之官以佐隄遂瞑敏功性孝友父嘗卒遭盜冒鋒刃出之愛弟敏効尤篤敦恤里閭湖人懷而祠之神宗朝贈太僕卿程經濟朱列傳高事功張仕績王列傳俞南金字國良嘉靖壬戌進士性孝友有冰蘖操弟天撫嫠婦以節旌初任刑部主事出張仁沈清伯于獄陞常德府知府值水災

平湖縣志

卷五

人物 列傳一

三

捐俸瘞骸固築隄防民以全活榮藩欲廣莊田以千金壽不顧也稔知饒明德冤忤權貴出之再守馬湖猺夷叛服不常單車諭降謝病歸孫喬桂字元芳天啟壬戌進士舊志皆作萬應誤授南直潛山知

縣廉靜有古循吏風鄭言沈獄十五載廉其情出之八虎憑社爲民害詢其民除之河水漂疾渡者苦觸沒捐俸建梁又創義冢瘞

無主骨以瘞病歸卒於塗

程篤行朱列傳高事功張仕績王列傳

張大忠字國楨嘉靖壬戌進士授刑部主事歷南直廬州府知府除合肥巨奸勦英霍山賊創行條鞭新法士民祠之陞陝西副使佐胡司馬閱延綏固原甘肅三邊司馬以參將哮拜屢獲首功欲授總兵官大忠持不可曰非我族類也後承恩父子果叛陞江西按察使藩邸多踰制強婚民間苦之大忠爲釐禁尋乞終養歸起

陞廣東布政使入覲道卒從兄大雅字心宇號正叔嘉靖甲子舉人授南直海門知縣好著書有易卦緯論初惺類語四書衍義行

世程經濟朱列傳高事
功張仕績王列傳

陸萬鍾字天與生員善屬文好談孫吳兵法會倭入寇萬鍾裹糧赴敵多所擒獲倭攻桐鄉以箠衝城用布拔其箠又以刀裂布用

勾刀擊其刀倭却兩臺上其事授山東泰安州州判例稅無所取調河南信陽信陽軍田混淆萬鍾區覈均其糧陞工部所正遷山

西潞安府同知生平耿介不畏強禦適督府妄殺人抗劾之督府

落職萬鍾尋挂冠歸程儒林朱尚義高行
誼張義行王列傳

馮煦字暘谷更字元門嘉靖間歲貢生授河南羅山縣知縣有政聲少精岐黃術邑宰顧廷對擢御史巡按江右患蠱疾諸醫罔效

平湖縣志

卷五

人物 列傳一

三

廷對歎曰必馮生到吾有命耳藩臬星夜檄迎比至不數劑而愈

里中姚吾泉母病亟延至切脈曰無虞也尚可延算十年後如所期一日與張布政大忠宴忽目一僂曰此不久活矣越宿嘔血死

其驗悉類此既宰羅山置藥廚於公署以療病者全活甚衆歸家

杜門不出年七十終子太衍字素元煦善醫太衍能世其業程藝
術朱

方技高方技張
方技王列傳

高文登字伯升年十二代父繫獄讀書不輟郡守郭應奎憐而釋之中隆慶丁卯舉人授河南葉縣知縣創建問津書院增學田陞

山東膠州知州擬歸養忽傳倭警曰是謂我憚王事也兼程趨之

戰守具甚設倭迄不至尋乞歸孫道素曾孫承埏俱進士張志云
道素以

平湖籍登第承埏歸籍嘉興 程經
濟朱列傳高事功張仕績王列傳

馬千乘字國良號映臺兒時母疾禱天請以身代登隆慶戊辰進士授江西分宜知縣分校拔湯顯祖爲得人陞南兵部主事恩廣東僉事羅傍山盜賊嘯聚會兵討平詔賜錕帛陞四川參議乞歸十餘年起湖廣參政廣東按察使黎叛泛海諭降競泣拜曰此昔平羅傍使君也羅拜乞解海南曠地數萬畝墾爲田賦額以紓廉州珠禁甚峻劉直指欲弛予民千乘曰民難與賊爭利而賦累無已力持不可滿秩歸遂不復出

程篤行朱列傳高事功張仕績王列傳

陸萬垓字天溥朱志作無畦號仲鶴隆慶戊辰進士授福建福甯知州

兩平倭亂當事上其功福建通志云萬垓遇事剖決瞬息成案兵與增賦力爲節縮歲省金六千有奇客兵更戍創造兵營于城外處之編審圖里折併州城大得民心鹽價湧貴捕治離奸以通鹽法每暇進諸生談文在任四年至今稱善政者必曰陸公歷刑部員外郎中上書論封事出知廣西梧州府擒洞獠

平湖縣志 卷五 人物 列傳一 三

以不殺爲功闢東安西甯二縣廣西通志云萬曆七年萬垓知梧州清慎下人政行慈惠興學育材

一時科目稱盛府治火萬垓躬經始百度維新今日碑猶藉甚云會滇緬大訐遷雲南兵巡副使

躬冒矢石下隴川擒岳罕收叛卒聲振西南擢福建按察使發關

白奸得以有備進山西左布政使調劑貢市得其平尋以僉都御

史巡撫江西去煩苛革問遺課農桑躬教化築圩千頃積穀百萬

兩賑大荒全活無算資運歲需回青動費萬計萬垓請以士清代

之民困得甦江西通志云萬垓寬易不苛而每事曲盡經畫創行社會法儲穀千萬石歲稔發賑全活甚多濱江圩壤

輒令有司築之汲汲勤民至忘寢食母老乞骸五疏不得請聞訃慟絕竟以哀死生

平爲善不愧獨知施德不靳人感事伯兄如父年逾五十好學彌

勤著知非小鑑十卷程名臣朱列傳高事功張仕績王列傳

沈懋孝字幼真號晴峯母俞姓七月而生瘠甚膚清可見五內而

啼聲朗暢父奇嚴孝養惟謹三歲依繼母張五十年孺慕如一日
人以為不愧其名中嘉靖壬戌會試以侍養歸隆慶戊辰廷試二
甲改庶吉士授編修陞修撰甲戌分考禮闈拔沈尙寶璟壬午副
考南京拔王吏部士騏遷南司業往史臣以不離局為貴而呼司
業為嫁老女至南益厭薄之懋孝澹如也尋以南京中式王少方
係故相張居正戚中蜚語謫兩淮運判投牒不赴李維禎孫植皆
為剖雪懋孝不辯一言退居淇林之上授徒講學晚歲產益落庭
戶蕭然擁書萬卷日丹黃其間寒暑不輟故博洽近代無比有乞
文者引紙疾書不加點竄視其紙之長短必竟幅乃已其自言曰
自二十五歲脫科舉習侍養七年無一日不探羣籍故入館時已
洞知作者門路在館二十五年朝講修史之暇亦無一日不誦覽

平湖縣志

卷五

人物 列傳一

五

而力常分五十挂冠始壹意勒一家之言而今且忘其衰老矣所
著有滴露軒藏稿一卷洛誦編二卷石林蕢草二卷四餘編二卷
賁園草四卷水雲緒編三卷詩集十卷名淇林雅詠子瑞鍾字德
培號徵梅嗜古好奇為文深奧讀者不能句則自喜以選貢知陝
西雒川縣不習吏事尋罷歸著有周易廣筌二卷

載明史 藝文志 四書贛

程文學朱列傳高文苑張文苑王列傳

孫從龍字化光隆慶戊辰進士授行人三奉使陞左司副轉刑部
員外郎出知江西廣信府尋陞按察司副使乞歸多勸留者相國
張洪陽云諸公為地方留賢野人為山林增勝出處盡之從龍凡
事簡易惟課子最嚴蔬食布袍終身不厭

程經濟朱列傳高行誼張仕績王列傳

陸志孝字仁卿號浚川隆慶戊辰進士授南直廬州府推官鋤強

釋繫備賑卹民有政聲行取以不附江陵改刑部主事乞侍養轉南吏部郎尋左遷北直霸州同知陞湖廣黃州府通判能得土再入刑部一歲朝熱兩審活者千計歷知江西九江湖廣衡州福建延平三府皆號神君告歸薦起漳南道不赴著有寓黃集

朱列傳 高事功

張仕績 王列傳

王志此下有楊府傳据程志列女楊悌妻褚氏傳剛

倪壯猷字華芳隆慶庚午舉人授南直宜興縣教諭陞江浦縣知縣首請復置東葛驛以甦役困邑距江六十里苦飄沒開濬上江新河十五里行旅便之陞南刑部主事歷貴州僉事紅苗反上勦撫機宜築思南鎮遠諸城添設總鎮平頭印江兩守備兵隨擒苗首石阿四等上救銅八議又請改酉陽四司宜隸黔不宜隸楚皆

平湖縣志

卷五

人物 列傳一

三

報可陞雲南副使黔國莊田私徵為民害請下郡縣代徵著為令按養馬指揮秦乙清置于法黔國不敢撓會討隴川都安民捷聞賜金加級尋請告歸卜居禹航依先隴以居年八十四卒有救浦救銅平苗平隴合集

程經濟朱列傳高車 功張仕績王列傳

洪烝字惟進號鸚洲隆慶辛未進士授河南陳州知州嘗輯治畧三十八事除疾苦興便宜織悉曲盡停解京俵馬三百餘匹以折色代又議處河北歲派驛費省數千金吏治報最陞兵部員外攝曹事事無留尋晉吏部郎中以勞遭疾卒于官有來鶴軒稿

程經濟朱

列傳高事功張 仕績王列傳

李嫌生海濱少遊鬻序有聲好賑貧困排難解紛所至輒殖千金隨手散去殖亦不終落由貢生官南直潁州州判以廉能調繁淞

州河工告績浩然言歸會邑令劉士瑗丈田之役人莫敢言嫌侃然抗論令怒欲解綬嫌不爲動卒從其議里人誦之

按王志云丈田之役劉士

瑗縮小弓式從嫌議之說恐誤程尚義朱尚義高行誼張義行王列傳

胡士奇字重之本餘杭袁氏先世徙平湖贅于胡遂氏焉士奇萬

厯丙子舉人署江西進賢教諭擢國子博士兵部司務會上怒職

方郎某謀舉西甯侯罪充遼東以首輔子故移罪于士奇謫福建

仙遊訓導士奇不辯攜一蒼頭抵任居歲餘卒

程清修朱孝友高行誼張孝友王列

傳弟士章萬厯己卯舉人授南直太湖縣知縣年餘卽歸割產贍

嫂迎養寡姊撫兄子終其身

程尚義朱孝友高行誼張孝友王列傳

韓子祁字心堯號肖南江西提學弼子萬厯丙子順天舉人授湖

廣德安府推官又補贛州教民植木棉勤紡織直指欲以意入人

平湖縣志 卷五 人物 列傳一 罕

罪子祁不阿左遷興國知縣歲儉發倉賑饑繼以捐俸厯陞南直

蘇州府同知三董漕輓俱絕饋遺或勸爲子孫計輒曰老婦守節

可中更耶及歸篋中惟書數卷石刻數種而已生平以翰墨爲樂

爲詩蒼老高潔有醯雞集尤善草書得醉僧遺意

程清修朱列傳高事功張仕績

王列傳

孫成泰字允交號景昼簡肅植季子萬厯丁丑進士授湖廣道州

知州州在萬山中民謠雜處成泰俱得其心市販例輸稅于官一

切禁革量移南直蘇州府同知濬治許浦賸楊林河奚浦水利攸

賴署諸邑篆勞心撫字聞父訃卽歸猶及視含殮起刑部員外五

年晉郎中陞江西饒州知府饒故奉命恤刑地一旦以屬吏見藩

臬非體謝不往刑部尙書孫丕揚躡之疏請著爲令改知福建邵

武府陋規祛除殆盡

福建通志云成泰首崇文教以示造就時大饑先賑後請全活甚眾議調時士民赴京保

留

六閱月調繁南直蘇州急正供禁火耗杜侵欺慎那借不令而

孚忤上官拂衣歸又一年補北直大名府凡編派徵收併封起解

諸欸一如治兩郡時陞副使勤訓練公賞罰騎射甲于燕趙復以

不諧上官投劾歸產不踰中人稱廉吏云

明詩綜成泰調邵武再調福建鹽運司同知後

以按察副使整飭大名道與舊志稍異程清修未列傳高事功張仕績王列傳

馬應圖字心易號廓菴萬歷丁丑進士授行人奉使歸篋中惟圖

書數卷司選者廉其清欲擢臺省遣人示意應圖曰吾何人斯肯

作呈身御史哉遷刑部主事欲便迎養改南禮部陞郎中疏劾科

道齊世臣等并及首輔

乞稽祖制疏臣聞百官不法則言官得而糾劾之言官不言則諸司得而舉正之臣

待罪部屬遠在留都本非議論之司亦識端其之義況天威不可以履遺眾怒不可以再干臣亦何敢越分進言願見近時朝中議

平湖縣志

卷五

人物 列傳一

聖

論有大不平而可恨者大抵附臣違主伐異黨同以小人而攻君子則謂之當然以君子而折小人則謂之讒口如陛下之所欲留

則羣起而迫逐之如寇讐陛下之所欲去則愛護而深惜之如心腹其意陰有所承附而其言大無所顧忌蓋惟知有大臣不知有

朝廷惟知有私意不知有公論累時積日未有一人出而直折之臣竊不勝憤懣以為威福者天子之威福也使陛下之所用者果

非其人雖十易之何害然而所用者如李植江東之與吳中行沈思孝天下皆知其名不知其有過也使陛下之所怒者果非其罪

雖十誣之何害然而所怒者如權奸張居正與削籍大臣高啟愚等天下皆知其罪不知其可矜也夫何試御史孫愈賢蔡系周論

劾太僕寺卿李植波及於吳中行沈思孝株連蔓引並指為邪至設危言疑事以激怒陛下而科道官齊世臣吳定倚角聲援並論

江東之羊可立不宜奏辨至今中行思孝懼禍引去植與東之可立身蒙大垢又有御史龔懋賢條論時事首引商臣伊尹受命成

湯太甲復歸之說以為張居正比况言涉悖逆其腹心任事二條又明與居正訟寃而陰為輔臣行說臧頭遮面冀以熒惑聖聽吏

部尙書楊巍覆之言言與非臣回護字字與宰輔聲說外為渾厚中無分辨此可謂知有君父知有公論哉臣聞私交固者公家危

和權重者主勢孤羣下雷同非社稷之福今部院科道之與閣臣可謂同矣僅有儒臣吳中行趙用賢與夫李植江東之羊可立數

人稍自異耳異故難容也臣又聞天下治亂係於君子小人之盛衰易以君子道長小人道消為泰小人道長君子道消為否凡前

為權奸所害而今為陛下所收者皆賢人君子也近皆以不容而逐退矣中行去矣沈思孝亦必於去矣趙用賢又引疾矣告李植者已三至於陛下行且及於江東之羊可立臣恐諸賢盡逐讒人得志自今以後皆效齊世臣龔懋賢諸人所為誰復抗勵守高不為雷同比周以欺陛下者將見黨與成於下主勢孤於上而張居正昔年欺蔽之禍且復見矣此豈可不為寒心哉為今之計急宜收拾挽回以歸威福於乾斷以正邪彙於今日而後臣紀可明天下可安也臣有三議一曰事權之漸重當議二曰恩賞之太濫當議三曰召對之不廣當議昔太祖高皇帝革中書省罷丞相而以朝廷大政分屬於部院正所以防專權而遏亂源也故當今無宰相之官而輔臣不容有宰相之權先臣李賢對英宗皇帝之言曰六部尚書便是六箇宰相此言最善若今內閣大學士之設止以備顧問參機密而六卿之事無與焉以故其權未重也一重於嚴嵩猶不過以書刺往來暗行囑託未聞燂金銷骨如今日者臣之所言亦出於匹夫匹婦之心遊談處士之口威勢有所不能抑青史有所不能掩臣知有君父不知有大臣故敢一申公論以釋朝廷欲求保賢去邪防微杜漸以固萬萬年治安之計而臣身不敢惜也

神宗震怒謫山西大同典史事詳陳泰來傳丁艱服闋陞河南封邱知縣惟攜一僕蒞任年餘復刑部主事疾免歸行李蕭然恬不為意居家非公事不至公庭

平湖縣志

卷五 人物 列傳一

聖

民有冤抑侃侃白之僮僕二三皆為備以餬口事繼母孝聘妻有癩疾或勸別娶不聽相莊以老歿不更娶馭子孫奇嚴貴顯人有過亦面斥不少假迨歿幾不能斂嘗自署一聯曰乾坤三畝宅湖海一畸人天啟初贈光祿少卿

程清修朱列傳高事
功張仕績王列傳

陳泰來字伯符一字員嶠年十九舉萬曆丁丑進士授順天教授

進國子博士見執政與言路相水火上書規之坐是五年不調南禮部郎中馬應圖泰來同邑又同年生也十三年上疏譏切執政又力詆給事中齊世臣御史龔懋賢蔡系周孫愈賢吳定而盛稱吳中行趙用賢沈思孝李植諸人忤旨謫大同典史給事中王致祥御史柴祥等希執政意復連章劾應圖且言泰來為點定奏章

帝以應圖既貶不問泰來引疾歸久之起禮部主事進員外郎疏

請建儲不報時有詔並封三王上疏力爭

論並封疏臣忝屬春曹見先後堂官倦倦以建

儲為社稷計因遵奉明旨着二十一年舉行諄諄告戒恐有煩激以違聖意今春屆期聞大學士王錫爵單車陸馳兼程赴闕謂錫爵必當首贊建儲對揚成命既聞錫爵在朝房與部科諸臣言亦以建儲自任且相約以從容委曲事圖必成及二十二日聞錫爵有密揭封進臣本部隨於二十四日具題前旨以請次日復聞御札下閣錫爵在邸手書密揭封繳大小臣工竊意皇上倚任心營往復商確慎重大典義無先洩而錫爵不謀同官不咨禮臣默有幹旋無庸僉議建儲大計定在旦夕舉朝忻快觀之乃二十六日忽聞聖諭下部援述祖訓分析嫡長暫虛儲位並建三王舉朝詫愕咸謂前以册立改期今以册封改旨前以昭肅拒言今以文義鉗言不知前旨自十四年以來何以不徵祖訓不念中宮而今日始發之是皇上之微權妙用非錫爵莫能迎合而錫爵此來預窺上意陰陽其說藉口中宮以捐再來之疑附會册封以邀久相之寵挾智用數是誠何心眾口噴噴謂此事非改於皇上而改之者錫爵也臣實傷之錫爵告君則曰孤介樸忠告人則曰忠君愛國曾不思宗廟社稷倚重儲君敵貴耦尊易生猜忌家丞乳保各挾私腸母愛子驕炎涼立見忠臣蓋輔所宜夙夜在心而乃以一揭了事順指恐後畧無引經證古之敷陳亟為調擬傳宣之作用捐昭布之大信貽醜釀之隱憂諛君誤國安所自解豈錫爵博識多聞見不逮此趙普樞軸再膺遂決帝意王且美珠一發旋奉天

平湖縣志

卷五

人物

列傳一

星

書今之游登首揆眷錫金綺將無肖類臣思皇上以密札付錫爵尚資裁度未遽施行倘錫爵能如范鎮十九上章司馬光六進札子皇上豈不豁然感動而一旦駕言傳理蔑置成命違信臣民叢惑中外乃至遜宋仁宗獨斷之明耶臣有以知其不然夫皇上不察舉朝之議與四海之疑而決策於一相錫爵不顧公論之非與萬世之誚而阿意於一人異日釁成不測事涉難言誰敢厲階必尋禍始此則錫爵獨誤皇上而同事諸臣皆得有辭無曰天下可愚而尊寵常有也奈何猶借聖諭之有嫡立嫡無嫡立長二語誇詡已功而尸其觀望僥倖之謀耶要以祖訓載立嫡之文而先朝多早立庶長尤為顯據聖諭存待嫡之厚而中宮實篤愛元子久已著聞長幼之序本明宜及今示以等威之辨嫡庶之名一定非將來復有轉移之時即嫡嗣繼此而生尚可崇其退讓惟諸庶相雄以逞更有煩於處分前星朗朗天命允歸寰海嗚嗚人心協向儲藩蚤決則友敬兼隆兄弟交懽則君親聚順惟我皇上與潞王殿下同氣藹然恩禮殷渥豈非昔年青宮預建藩輔已安之大驗哉臣謂皇上不難改歷年之明旨必不難收今日之新諭無嫌拂逆在一決斷耳錫爵既能結皇上之特知亦必能定元良之儲位無委艱難在一挽回耳杜漸防微實關膚慮持經守正庶免遺譏臣雖卑賤職在禮官與聞宗社之明禮惟願已嘗之有主效此悃忱非沽直譽倘因以孚格聖聰鉞斫相業斧鑕自甘廢棄無憾會廷臣多諫者其事竟寢亡何考功郎中趙南星坐京察削籍奏

來疏救帝積前恨謫饒平典史踰年遂卒年三十六天啟中贈光

祿少卿著有員嶠集

樵李詩繫云泰來疏爭三王並封時嘗面質王文肅於朝旁觀悚慄卒寢封議尋以疏救

孫繼謫典史自賦有直道不緣三黜改孤忠只受九重知句卒於

茗川初謫歸夢至一山見羣仙咸集共賦云涼風拂拂白雲收宦

海茫茫恁日休剪紙作驢輕撥刺桃花洞口笑淹留旁有仙曰汝

乾瘦子也後一年當會於此歿後翁哭之慟適遇方士能作飛符

召魂術翁為祈請附乩書曰仙謫之期止此非不思我阿翁然數

有限慟奚為遂賦詩以別生平慷慨有才畧與願憲成趙南星諸

公咸氣節自負竟以抗直困下位夫人營織而食後復貶竄流

離以死嗣子無傳 程名臣朱列傳高事功張仕績王列傳

屠叔方字宗直號瞻山諭德應埃子萬歷丁丑進士授江西鄱陽

知縣先是遜國諸臣疎屬一丁一地分戍劇邊一遇絕丁輒行勾

補飛符所到冤結二百餘年叔方之令鄱也適有符勾鄱人胡閏

絕丁者叔方憤然擲符于地曰彼死忠何罪其親屬又何罪使吾

有言責必碎首爭之矣擢御史即為具疏請諡請祠請修治冢墓

平湖縣志

卷五 人物 列傳一

卹錄子孫及交遊姻黨之株累編成者一體赦宥神宗感動蒙宥

者千六百餘人京師張赦榜時忽風發榜飛輾轉天際觀者如市

自午至未仍還故所鄱陽張榜亦然 按此事本願憲成英風紀異錄 叔方在臺頗

著直聲中忌者外轉山東副使遂拂衣歸著有建文朝野彙編二

十卷 載明史藝文志 宋列傳 高事功張仕績王列傳

馬維銘字宏衢號新甫萬歷庚辰進士授南直太平知縣攤二畝

三分之稅丈科一畝豁黃山虛糧數百頃陞兵部職方主事督山

海關革貂皮稅以艱歸築牧圃于東湖上自號屣提生著有史書

纂畧一百卷廣文選二十五卷 載明史 藝文志 屣提編池塘草無子嗣子

德灋有傳 程經濟朱列傳高事 功張仕績王列傳

陸長庚字元白號津陽萬歷庚辰進士初授秦安州知州連遭父

母喪未任服闋補南直廣德州剖決如神釋冤獄六案奉部檄加派以庫儲餘金抵補民間不知溢賦丈量後浮額萬餘畝核實改冊不以累民裁革緞價銀四千餘兩撥甯援例並裁一萬六千有

奇禁北鄉煤山免採貢州人德之立生祠於橫山

江南通志長庚居官廉敏置學

田新營宮設尊經閣首德行而次文藝課農桑濬溝洫建倉水陽以使軍民時有竹一本二幹有蓮並頭產于州署人以爲瑞陞

刑部員外勘巨璫邢尙智獄執法不徇改南吏部歷郎中出爲湖廣參議分守荆南分巡下湖南道覈長沙屯糧侵蝕歲得三千六百餘金裨軍需中使陳奉所在茶毒廉其司房沈自問等十三人置之法轉廣西桂平道猺首韋扶仲盤花婆作亂府江震驚屯土兵三萬餘餉往往不給長庚建議撤之督府有難色長庚曰賊據險不出雖兵百萬無益奈何令缺餉坐譁乎願勿中制猺易與耳

平湖縣志

卷五

人物 列傳一

巽

遂留兵三千守荔浦城餘盡撤去賊果懈防守長庚密授副將童元震方畧夜至白馬冲襲獲其妻女募猾猺十人誘扶仲出劫遂墮我伏中力戰脫去則荔浦兵已扼其歸路分道要擊擒之盤花婆亦授首餘黨悉平詔賜長庚金綺晉爵一級播酋楊應龍反陞湖廣按察使移治上游提兵扼水陸俘斬千計應龍被擒復賜金綺如初進江西右布政轉左請指南昌府門稅改折京絹民困以甦

西江志時宗祿不給宗屬千餘人謀于衢兩臺束手長庚出存積銀十三萬補之三十六年大水請弛長河魚禁以卹饑民建

唐韋丹耑祠重建攬秀樓在任七年羨餘悉封簿儲庫士民爲立祠章江門內陞應天府尹司庫者進所

存美金累萬却之判歸徐鼎彝等被奪蘆洲二萬畝進南通政時

留都多私鑄官幣廢格長庚抗疏上聞

錢法疏竊照私鑄銅錢與白書搶奪之禁載在合甲

法典具嚴凡以握利權昭國法也南都私鑄公行官錢阻格節經科臣及工部題覆奉旨錢法關係國計若私鑄縱橫爲害不小依

擬嚴行禁緝仍附入考成不得違玩欽此然而禁網疏闊姦阻
撓春初五城衙門纔一申令輒囂然聚鬪打搶鋪行數家幾為罷
市挾制仍行私錢而後已於是局厥所鑄徒充搭支之用負販而
出一錢不市於都城而私錢濫惡遂成極重不反之勢該南京福
建道御史王萬祚疏稱姦鑄蓄興官禁掣肘乞收利權其伸國法
隨經下部覆請候旨間諸臣俱向臣言應天府宜照例鼓鑄臣以
為鑄而不行於市雖鑄何益故私錢不戢則官錢不得通然官錢
未行則私錢何由止而止之以漸行之有權爰與部科諸臣及操
江丁都御史各道御史往復商議於八月二十八日出示酌行大
約謂國家設局鑄錢專為便民行使而私錢低假薄惡到底騙害
良民本府與城內外行市居民約不違革私錢以行官錢亦不裁
減物價以行官錢聽民擇便而自為計制錢每千文只定價銀九
錢如各行貨物及蔬菜腐之類原賣私錢十文者今許仍賣官
別鋪戶經紀願赴本府領兌許以銀八錢九分兌錢一千文本舖
如有存下未盡私錢聽照行使折數兼搭兌換錢盡而止若架
私錢倍於官錢者嚴究如律此在百姓自己回頭省悟不令利歸
私鑄害種民間如是而悍罔姦徒尚敢煽惑殃民偏用私錢如故
則律禁具在官府一切繩之以法不復煩文告矣等因又經知會
各衙門擬請戶工二部將見在鑄錢廣發舖戶以濟行用之所不
給一時城市官民翕然稱便丁都御史過臣亦云詢之父老咸謂
制錢從此可通私錢從此自戢但日前急務要在廣鑄官錢當時

平湖縣志

卷五

人物

列傳一

吳

舖行經紀凌應鴻等覓去官錢百萬有奇三日之內貼然無譁不
意九月初三日午刻忽有一種遊手無賴強將低錢照舊價勒買
貨物忿其不從乘機搶奪鎮淮橋絲市巷單牌樓筴橋地方油舖
鮑震程一所磨房酒坊屠朝龍黃芳等各家毀其房屋營擄其財
貨酣飲狂奔鬧動街市觀者如堵臣從拜客回還相近中城兵馬
司前見其羣聚大街乃借蔣都司家筆硯出牌曉諭衆方徘徊觀
望且却且前俄而丁都御史適以拜臣會遇好言慰諭轉復鳴張
蟻集招搖不散薄暮總捕坐營官以夜巡傳呼而至聲言擒捕若
輩忽鳥舉獸竄一闕而去臣與丁都御史揖別登輿各歸本衙門
而明日私錢之行亦復如舊矣究竟不為私錢不為物價不係居
民全是喇虎撤發流徒藉口乘釁肆行其阻撓之術即以三尺在前恬不
知懼甘以身試法而要挾肆行其阻撓之術即以三尺在前恬不
嗜利之心彼此因循未嚴必然之法及今不禁後將何極誠見其
微也今南都豪猾把持太阿倒置甚矣夫至於法不必嚴驕養姑
息究且將使私鑄搶奪之律弁髦棄之耳主權日下國禁不遵假
令狡焉思逞事更有大於此者尚可言哉伏乞皇上速允部覆前
疏專責當事臣工亟圖廣鑄行使肅法弭姦毋令坐視凌替隱憂
潛伏而不可解至於臣不量輕弱欲以咫尺之示消姦鑄而挽重
權而反以中奸梟攘奪之故智臣罪一也又不能明申國憲直革
私錢而猶令自通自塞委曲以濟其法之窮臣罪二也不善行法
而卒被其撓法萬一後來以臣為口實一任縱橫而莫之敢問或

遺廢法之憂臣罪三也則臣滋懼併乞將臣罷黜以爲不忤時貴
知規隨避事妄意維法利民者之戒國典幸甚臣愚幸甚
意遂乞歸奉旨慰留尋進兵部右侍郎忤者忌甚即日乞骸骨疏
再上得請優游林下二十餘年撫按七薦不起著有老子元覽二
卷南華副墨八卷陰符經測疏一卷周易參同契測疏一卷方壺
外史八卷楞嚴述旨十卷載明史藝文志年七十八卒崇禎甲戌俞禮臣
陳子壯請賜祭葬朱列傳高事功張仕績王列傳

王建中字維新萬厯丙戌進士累官參議家居後日夜誦讀兩目
皆赤老而好學遺集最富爲人所竊今不傳朱列傳高文苑張文苑王列傳

戈用泰字來陽號晴寰萬厯己丑進士授北直涑水知縣邑素衝
疲稅監四出又水旱爲災用泰悉心撫字復里甲省徭役疏通鹽
商訊釋無辜採石開礦皆以身扞民卽上官怒形於色亦不顧厯

平湖縣志 卷七 人物 列傳一 七

南刑部郎中念父思齊年高卽乞歸終養服闋廷推者再卒不赴
里居閉戶寂靜著有晴寰文集若干卷適適軒詩集五卷程清修朱列傳

高事功張仕績王列傳

陳九韶字宗舜萬厯己丑進士辛卯分校北闈任刑部郎中出知
江西廣信府會中人潘相開礦擾民九韶繪圖陳疏得寢民立祠

祀之尋擢副使分巡九江陞湖廣參政卒通顯二十餘年服食如
寒素伯兄早世撫其子如己出歿數日推陞貴州按察使程經濟朱列傳

高事功張仕績王列傳

馬明瑞字道楨萬厯辛卯舉人以母老謁選上虞縣教諭陞北直
景州知州多惠政艱歸起補山東德州頌行八禁築堤防賑饑陞
工部員外時廣甯失守督造軍器稱旨紀錄中忌罷歸明瑞善畫

竹有文與可遺意程經濟朱列傳高事
功張仕績王列傳

賀燦然字伯闇號道星尚精博古諸子百家窮微抉奧不以涉獵

為工登萬厯乙未進士授行人擢吏部主事屹然不可干以私歸

踰年起員外會內計中旨留一二言官上疏極諫語侵柄臣神宗

震怒旋削籍與劉元珍龐時雍同日出都門一時仰其直節里中

利病侃侃持議為鄉邦倚重著有備荒議一卷載明史
藝文志六欲軒稿

十八卷程文學朱列傳高事
功張仕績王列傳

陸錫恩字伯承萬厯乙未進士授江西萬安知縣時礦稅起有以

回青石膏利啖中人者錫恩械之計令黠者發土土皆礪砂議遂

罷三邁水旱首議改折民賴以甦縣故設戍卒備賊守弁牟削太

甚士伍誨縛弁將甘心焉錫恩單騎馳問狀下弁于獄旋諭隊長

平湖縣志 卷五 人物 列傳一 吳

杖倡亂者一軍帖然陞刑部主事妖書禍作罪人既得當事猶持

兩端錫恩出一言定之四明當國欲見不往蕭司馬楊少宰懸職

方儀制缺待之皆力辭以故四明去錫恩雖浙人超然獨免丙午

典滇試所取士登第獨多明年以讞獄歸里又三年而卒年四十

二後贈刑部員外錫恩性瀟灑嘯歌談諧不矜崖岸晚病益厭功

名放情山水時人目之為達自為壙撰墓志號夢蝶居士又號癡

大夫癯丈人皆自為傳詩法陶韋有雙鳧草傳書堂集子澄原有

傳程經濟朱列傳高事
功張仕績王列傳

陸錫命字仲敬性至孝母卜氏晚年病目吮之復明以例補內閣

中書山東災御史往賑錫命捐穀千石佐之存活無算御史上其

事特勅建坊旌之生平救災恤難親友待以舉火者常數十家率

厚息稱貸爲之又捐田百畝於家祠以贍族以子清原貴贈御史

清原有傳

程孝友朱孝友高行
誼張義行王列傳

馮伯原字起寰萬厯中以貢生授上林苑丞陞廣西鬱林知州有

惠政忤當道意歸里隱居徜徉山水間

張介節
王列傳

施時堯字念同萬厯丁酉舉人少時貧不能振意豁如也計偕後

就南直太倉州學正陞儀真縣知縣儀真多鹽販時堯至鋤其魁

奸徒屏跡擢湖廣武昌府同知慨然曰武昌臨漢口盜賊充斥奸

吏相仍積賄養害官爲盜首吾何忍哉力辭不就而歸

朱列傳高
事功張仕

績王
列傳

金汝礪字啟心萬厯戊戌進士授福建福安知縣有清譽多所規

畫陞南工部主事督錢厰綜核廉明積餘錢千萬計管理節慎庫

平湖縣志

卷五

人物

列傳一

吳

省浮額二十萬奉旨紀錄權龍關稅正課外奇羨數千金白大司

空儲公帑佐緩急管理屯田裁板枋腳價數千金中貴人齟齬之

不爲動江南水潦淮東亢旱條上救荒事宜著荒政錄出知北直

真定府抱病卒汝礪天性純孝父母有疾藥必親嘗溺必躬掖著

有昭信錄策學

程清修朱列傳高事
功張仕績王列傳

趙維寰字無聲舉萬厯庚子順天鄉試第一署海甯教諭陞南國

子監丞擢刑曹轉郎中歸爲人負氣所至不肯依阿爲監丞與大

司成不相能欲挂冠司成謝之乃解居刑曹旣疏劾撫甯侯朱國

弼罷之

據實駁正疏臣按南京守備撫甯侯朱國弼以蘆洲一業
受姦民徐仲投獻至撻臣職掌殺人三命臣係原問官誼

難隱忍因於上年十二月初四日具疏直糾會臣堂官姚士慎齎
捧在都見臣揭帖阻疏不上而國弼偵知臣疏之見邊也輒捏情
誣讎爲先發制人之術伏蒙皇上嚴旨切責國弼而以臣所被誣
者卽勅刑部查明燭姦之明遠徹萬里臣似祇宜靜聽矣惟是國

弼四揭臣未已而復重以疏有不殺臣不休者臣一生孤立不畏
強禦不借黨援甯執法而死於國弼毋甯滅法以負皇上敬首質
縱差嚇詐事復明旨而徐及其餘為國弼駁正焉竊照臣部十三
司每員差皂五名設有定額勒在部志若胡立者非但臣部五人
無此名偏查十三司並無此名也及查院案厥案乃知其為崇禮
坊爵字舖總甲總甲可謂臣差人乎且差人嚇死人命公然不懼
不陳而復挺身徧報厥院抑何壯也此臣所不解也其二曰陳氏
一陳氏耳據疏則應死橫墩洲據揭又應死南京城內如死城內
宜在六月之杪如死洲所宜在八九月間地遠二百餘里時隔數
十餘日且告厥院曰蕭之龍登時打死告國子監又曰蕭之斗擒
至寓所辱死其論臣又曰縱差胡立嚇死及查胡立原報呈則但
日孫四妻與伯婆喚口縊死是何一人之死而地屢易時屢更狀
屢變也此又臣所不解也其三曰違制臣所行之詞奉堂官批發
也堂官之受詞奉皇上三年分旨前部堂熊明遇題疏也而硬執
為臣私准手本不知所憑何卷案所據何筆跡世豈有千六百金
之交易而以一手本告官者違制二字臣不受也此又臣所不解
也其四曰越沮蘆政自有專司國弼嘗以是詰臣堂官矣堂官駁
之曰盧政固有專司投獻律例刑曹亦有職掌國弼爾時何無一
語裁答而今乃謂臣越俎不知所越何俎如國弼以守備撓臣部
職掌反非越俎耶此又臣所不解也其五曰囚禁徐仲以未明產
業投獻勢豪律宜永戍臣忝備員法司即果誤禁此囚亦無大咎
況堂詞以二十一日到仲以二十三日召保至二十六日而國弼

平湖縣志

卷五

人物 列傳一

卒

槍仲去矣槍在二日內而曰囚禁兩月此又臣所不解也至若蕭
如益者臣官南雍二年查冊絕無此生項因國弼疏訊之則原納
北監其愿滿在癸亥耳臣時尚未謁選也通財雖義所不禁惜南
北監不能易置耳雖然誣臣猶其小者臣近讀國弼一揭云功臣
田土載在勅書除欽賜外其餘但有田土悉聽管莊人報官入籍
臣讀至此竊疑聖祖即篤厚勳臣何至開其不遜之漸急取會典
明律證之乃知聖祖遠慮防其子孫跋扈怙勢隱糧故嚴以入籍
起稅之律而國弼故認入籍取利至刻揭以籠駕愚民若欲取率
土而其之者彼其稱兵境外既抄搶於無為州又抄搶於泰興縣
殺人放火了無顧忌有由來矣總之臣與國弼蘭棘梟鸞勢不並
立今蒙皇上即屬刑部查臣臣不患查之不明竊慮查之不廣未
足以服國弼也臣本刑部司官以堂查屬雖公亦私徒資國弼之
口實耳尚懇皇上悉如國弼所請嚴勅南京九卿科道從公會勘
要見總甲胡立是否臣司差皂陳氏蕭之龍曹如瓊三命確係何
因致死臣奉行堂詞是否違制越如法司罪犯國弼應否強搶監
生蕭如益確係南監北監通財有何確據併勘國弼借勅書以闖
土果否刻揭現證其激變事情召問兩地居民是否鳴金放砲矢
石縱橫確是何等景象毋徇情面毋主調停毋謂臣官卑而易與
母謂國弼豪勳而難犯事事不輕放過件件直窮到底臣虛即黜
臣國弼虛即罪國弼一刀兩段毋持兩可庶魑魅無從遁影而賢
姦不消定論矣為此具復與大司寇甄淑許奏并及御史劉之鳳
疏併將原疏封呈御覽

以其沮格已疏也坐是奪職杜門著書以終橋李詩繫云維寰形貌短健有相者曰子

骨法孤貴宜以文霸貢入北雍中庚子解元以文格太奇被參及

卷進呈神廟御批云其學則解其思則苦復歎曰異人也自是聲

益赫甚入禮闈多士皆翹首拭目爭識其面後以小

臣屢計罷歸年八十一卒 列傳高事功王列傳

馮元鑑字三峩萬厯庚子舉人授南直合肥縣教諭陞四川涪州

知州乞歸結廬雙谿之濱生平高雅善文尤工書法有雙谿草堂

詩集朱文苑高文苑張文苑王列傳

曹徵庸字遠生一字平子號積雪中萬厯戊戌會榜辛丑成進士

以族人誣誤謫陝西宜川典史陝西通志徵庸遷延安府推官

入為大理寺評事歷刑部郎中審錄江西平反枉獄數百人知山

西汾州府著有成績以病去官卒于孝義官舍徵庸為人清疎雋

遠有潔癖避俗如讐每葛巾芒屨自肆山水間所著客語二刻廣

平湖縣志

卷五 人物 列傳一

至

陵遊記冰雪軒稿聲情筆墨著紙皆韻湖中博學好古者長水太

史以還其流亞也書法亦迥逸為世推重程文學朱列傳高事功張仕績王列傳

金汝諧字啟宸萬厯甲辰進士授南直婺源縣知縣鋤豪右緩催

徵以治行擢御史前後章數十上俱宮府大事不顧忌諱援劉光

復劉文炳參吳道南李三才及織造御馬諸監尤人所不敢言一

時稱真御史著有歷代名臣芳躅理學訓西署疏稿程經濟朱列傳高事功張

仕績王列傳

過庭訓字爾韜號成山萬厯甲辰進士授湖廣江陵縣知縣首減

羨金贖錢奸胥屏息邑際大江有淤田數萬畝為楚藩漁利庭訓

履畝清丈悉歸諸民酌量起科減通邑稅巨豪恃銓部戚擁眾塞

江口為亂其勢張甚庭訓需其懈密遣吏誘致豪立笞之下獄眾

遂散湖廣通志庭訓為治主於安靜凡院司大政大疑大獄下陞

雲南道御史疏請融我見酌虛平截然有中立槩又請宥曩臣滿

朝薦薦廢臣鄒元標趙南星史孟麟等乙卯挺擊事起眾論異同

疏請釋猜疑請釋猜疑疏竊惟天下之患最不可為者名為治平

而生於內生於外者如水旱盜賊之災強藩驕寇之禍其來也有

形而其制禦也猶得隨機設策生於內者如左右近習之奸宮闈

几席之變其來也無形而其制禦也易至倉皇失措故曰涓涓不

止流為江河澌澌不息至於燎原言禍機之所伏也又曰不見其

形願察其影言防患之當預也年來災異叠見邊報屢聞推補大

僚之疏不下而九列空候補考選之疏不下而言路空推陞司道

之疏不下而藩臬空至都察院之印務經月餘而尚無著落畿輔

各省之按差屢催請而杳無音耗紀綱重地激揚重任屑越至此

皆從來所未有願其事體雖出非常而幹旋總由轉念在皇上一

舉筆間而已惟是禁門之防衛日疎而不軌之亂萌竊發如近日

張差之事實關宗社之安危駭中外之聽觀皇上尚可泄泄而不

將諸臣之疏一為檢發提究乎夫慈慶宮可入何宮不可入木棍

可執何物不可執據其見犯之罪即時梟首已有餘辜且更多隱

伏之情一人處死未為盡法皇上二十年以前諸臣以建儲之一

平湖縣志

卷五

人物 列傳一

三

事爭十餘年來諸臣以之國之一事爭未幾而建儲之事定又未

幾而之國之事定斯其神謀睿斷原係皇上所獨持則今日之變

起蕭牆而禍生肘腋尤皇上所宜亟剪其見犯且永杜其將來矣

夫諸臣或以瑣屑入告或以風影饋聽宜有以致皇上之厭薄而

槩多留中此何等大事且情形有據又非風影之比若仍懷厭薄

而疑之為不足信皇上之自為社稷計者其謂之何年來人言藉

藉大都謂天性至情朕違既久隱伏窺伺實繁有徒宮闈之中當

有不測之變故職初未之信今不幸疑而中矣猶幸社稷有靈謀

而未遂故尚得正法以杜將來也且聖衷甯有偏愛而人情實多

猜疑其積漸蓋有自來職請悉其槩福王之就國會未踰年而騷

擾幾半天下固引誘之非人而其隨人撥置之品局已自可見皇

上豈不燭照而數計乎乃事關福王者百求而百應事關皇太子

者屢叩而屢稽從來驕奢淫佚多生於寵禍之過而大有為之事

業幸從艱難困苦中磨練而成故以姑息為愛者其愛小而以義

方為愛者其愛深則百求百應似乎以姑息為愛而屢叩屢稽未

必不以義方為愛也皇上胸中之涇渭固自了然而大小臣工與

中外愚民其誰諒之語云雖有良玉弗琢成其為美雖有穎質

弗學弗成其為聖皇太子仁孝聰明合閑固已夙著而詩書禮樂

講習未免久停皇上若以義方為愛不應玩愒乃爾至於詭育東

宮之貴妃而瞻田不給以得配東宮之郭妃而葬地不擇尤情理

所未有中外所其駭者蓋皇上以止慈之人父不無重彼輕此之

舉動皇太子以久定之國本未蒙舉此加彼之恩施此在滿朝臣

子且求之而莫解其故欲挽之而苦無其術則荆軻聶政之徒乘
閭而發者履霜之漸已非朝夕之故矣藉令庭闈之真愛藹然金
華之講讀如故而贍田擇地等事諸臣屢疏催請者皇上蚤賜檢
發何至妄生揣摩漸行毒計大內邃密之中有如此之亂萌哉此
正皇上見形察影之時而失今不挽將有滔天燎原之患矣伏乞
勅下法司將張差嚴行究鞠併查主使之入一體速正典刑而出
閣給田擇地等事速賜檢發舉行至於一切左右防其離間百凡
護衛加意添查俾疑根互釋而亂萌永杜則於皇太子爲止慈於
聖母爲止孝於中外
臣民又爲止信矣

中外推服巡按屯馬福藩乞改備邊子粒爲
莊田抗疏停之丙辰賚帑金賑山東饑條陳荒政事宜皆確實可
行泰安安邱饑民嘯聚庭訓肩輿詣巢論之悉羅拜投戈感泣又
請截留漕米四十萬石備賑於是巨室競出宿儲穀價頓減仍具
疏以漕米歸部天啟辛酉督學南畿楊瓊芳陳名夏兩會元皆首
拔士也轉湖廣參政福建按察使時魏璫焰熾庭訓恬守外藩隻
字不入輦下陞應天府府丞未任卒崇禎戊辰特恩予祭加贈府

平湖縣志

卷五

人物 列傳一

三

尹著有直省分郡人物考一百十五卷

載明史藝文志

聖學嫡派性理翼

明行世

朱列傳高事功王列傳

劉廷元字方瀛萬曆甲辰進士授廣東南海知縣邑濱海田少賦

繁以八分科畝廷元請覈實民賴以蘇擢陝西道御史負氣敢言

疏請東宮講學請遣福王之國并劾福府莊田踰額非制又奏劾

東厥盧受稅璫高案等不法狀皆侃侃有聲甲寅巡視皇城兩奉

勅按畿輔光宗時降三級調用里居三年起太僕寺少卿歷南左

都御史兵部尙書莊烈帝卽位改工部尙書尋罷歸己巳京察論

戍贖爲民庚午卒于家從弟文元由歲貢生爲江西袁州府通判

有清政

朱列傳高事功張仕績王列傳

姚士慎字岱芝九歲能屬文中萬曆甲辰進士選翰林院庶吉士

改吏科給事中疏諫開礦忤旨謫福建福州府經歷累陞光祿寺
卿丁艱起大理寺少卿論救給事中惠世揚疏云附闈之黨所宜
早定爰書擊逆之忠豈可尙稽恩典一時傳誦焉疏上世揚得出
獄奉勅推勘魏奄奸黨以六案定罪執法不徇由通政使轉南刑
部尙書遂致仕歸徜徉湖山以詩酒自娛常戒子弟從儉約曰時
事方艱驕侈益以速禍丙子卒予廕賜祭

朱列傳高事功
張仕績王列傳

胡士相字端甫號星海萬曆甲辰進士授江西弋陽知縣縣故多
盜士相嚴保甲法盜風頓息歷陞刑部主事丁外艱起補工部分
治張秋北河性善潰浹濟諸泉易枯士相經營往來請復水櫃疏
源滌流堅築隄防爲治河功最重書褒美比之宋禮白蓮賊起士
相嬰城固守城賴以全陞江西參政分守湖西道奸民請開礦部

平湖縣志

卷五

人物 列傳一

五

檄至士相覆寢其事衆建魏忠賢祠獨持不可請蠲袁州積逋建
義倉修城堞興學校奉旨賜金增秩廷推廣西按察使丁內艱歸

卒

程經濟朱列傳高事
功張仕績王列傳

施鳳來字羽王號存梅先世苕溪人後徙平湖六傳而鳳來生萬
曆丁未會試第一廷試一甲第二名授翰林院編修庚戌分校癸
丑疏乞終養乙卯丁內艱戊午起南司業庚申陞中允辛酉陞諭
德兼侍講學士管理誥勅壬戌復分校癸亥陞少詹甲子轉正詹
尋陞禮部右侍郎直講筵乙丑轉左侍郎掌翰林院事丙寅晉東
閣大學士丁卯晉階太師中極殿大學士吏部尙書戊辰會試正
主考連疏乞歸賜銀幣廕一子尙寶丞馳驛遣行人官護送還里
己巳京察冠帶閑住鳳來入政府時璫勢張甚一以鎮靜調護爲

務中使李明道欲僱民船轉運奏寢其議修撰文震孟疏語激怒將逮治鳳來從容廷辨且述緹騎逮周順昌激變一事感動熹宗復密揭申救以免皇極殿工成魏忠賢敘功加爵賞鳳來力引祖制非軍功不可而旨從中降乃力辭恩廕不受莊烈帝初忠賢伏法有攻論當時同事閣臣者鳳來引陳平周勃狄仁傑以自解帝優詔答之遂力求退當熹宗不豫鳳來力請召信王侍疾既宴駕卽請中宮懿旨馳召信王璫議欲停梓宮於乾清信王御殿庶鳳來請御文華殿如世宗故事上表勸進論者比於李東陽之事武宗云子日升孫鉉日升字叔允號抑菴承廕補內閣中書冊封長沙王却贈金晚爲湖中耆英領袖卒年九十三著隨隱蠹餘草使楚吟燕河漫錄等集鉉字公遠以恩貢任義烏訓導奉裁補平

平湖縣志

卷五

人物

列傳一

五

陽以母老乞歸居喪哀毀庭產芝草人稱爲孝感云

朱列傳高事功張仕績王

列傳

陸鍵字實甫號開仲江西巡撫萬垓子萬厯丁未進士授江西建

昌府推官署南城縣事革陋規均糧里魁馬政清漕運士民頌之

南昌臨江撫州各議置盱江書院集諸生肄業其中捐俸課文更

給贍田爲永計行取候命彙輯累朝名公奏牘成帙未梓卒著有

尙書傳翼十卷

載明史藝文志

四書傳翼行世

程經濟朱列傳高事功張仕績王列傳

徐調元字相之萬厯丁未進士授南直南陵縣知縣南陵巖邑乘

傳無虛日值水潦調元便宜築圩壩頻歲飢疫捐俸施藥糜全活

萬計乞改紹興府教授先行誼後文章越士嚮風陞國子博士厯

刑部郎中出知江西廣信府道卒

程清修朱列傳高事功張仕績王列傳

馬德灋字澹真號以容萬歷丁未進士乞改南直甯國府教授士子以贄見赤頰謝之時捐俸周其貧者轉國子博士歷刑部郎中挺擊事起德灋與王之案意合忤旨及慈慶宮引見御史劉光復以陛呼觸上怒下獄欲坐震驚几筵重辟德灋據律改擬奏對失序宜薄杖神宗謂其曲庇降山東鹽運司運判中途候旨至揚州卒光宗登極子嘉柱詣闕上書訟父冤得贈太常寺少卿嘉柱廢授光祿嘉柱字擎臣歷刑部員外疏糾御史踰冬至日行刑有直聲孫紹曾有傳程經濟朱列傳高事功張仕績王列傳

曹孔榮字豫仁號明寰以貢授南直天長縣知縣會浚饑瘞死療疾立輪穀懇田諸法月朔望進諸生講學翕然嚮風服闋補北直雞澤縣俗好訐訟多方禁戢邑久無志孔榮創修之罷歸二十載

平湖縣志

卷五

人物

列傳一

美

泊然邱壑忽一夕無疾沐浴而逝

程儒林朱列傳高事功張仕績王列傳

劉希夔字虞章以貢授福建連江縣知縣調山東齊東縣地荒瘠招輯流亡給牛種勸耕治行稱最著有綱鑑纂要行世

朱列傳高事功張仕

績王列傳

周翼明字季醕號廷璋少習韜畧中萬歷庚戌武進士授衛鎮撫陞昌國備倭賈船飄洋至貪弁欲借爲功翼明持不可遂被讒歸歸二年幕府檄署金盤復署臨觀倭犯溫州翼明提兵由大洋抵莫山逐之撫順失守徵兵浙江諸弁縮朒莫敢往翼明慨然請行以浙兵副將充大將軍劉綎部右翼先鋒時翼明到才二日四千里重趼兵不得休息隨縱出寬奠次深河力戰克牛毛馬家諸砦爲

大兵所乘四面被圍千總死者三人士卒死者千五百人翼明突圍出尙二千餘人上青石嶺或勸之逸厲聲曰汝止吾不死非壯士也遂戰死年四十三賜祭葬贈都督僉事建慰忠祠按祠今無考予春

秋祭廕子元起乍浦所百戶世襲程殉節朱忠節高行誼張忠臣王列傳

康承爵字德徵號翼寰殉難百戶綬曾孫幼習舉子業嘗讀漢書馬新息侯傳至馬革裹屍句喟然曰先生差矣身既許國裹革奚為後登萬厯庚戌武進士授衛鎮撫累陞神機營遊擊清勾羽林軍勳戚斂避時魏璫用事承爵力求外補出為廣東惠州參將破惠州山寇葉文林海寇劉香等轉廣西潯梧參將平龍山賊胡扶記有功崇禎初分守台金嚴破海寇張宏銘于大陳山又破之于韭山捷聞陞貴州副總兵進後府都督僉事未之任遭閩亂歸乙

平湖縣志 卷五 人物 列傳一 五

西

大兵下省郡邑民團聚鄉勇承爵主之七月二十三日死於西門外

常平倉前朱忠節高行誼張忠臣王列傳

沈萃楨字君聚號哀中與弟杞楨同舉於鄉萬厯癸丑進士授工部主事權荊州關稅盡革諸小稅名目以羨金築堤沙市避水衝民稱沈公堤厯南兵部員外郎中出知南直蘇州府舊派福府白糧詔令協濟五年至是已七運而部文未止萃楨竟格不供蘇民便之歲大饑諸惡少屯聚劫掠萃楨密擒首事三人斃杖下倉猝問遂定識文震孟陳仁錫于未第時親詣其門修主客禮天啟二年舉卓異天下第一錫宴禮部陞福建副使備兵興泉紅夷犯銅山直侵中左萃楨即日移駐同安身冒矢石出奇兵撓之五閱月

而就款轉本省參政職驛傳以親老乞歸當萃楨守蘇時吳江知縣曹欽程賊私狼藉以淫刑博強項聲巡撫周起元幾爲所惑乃列貪跡注下考上之起元劾欽程落級及魏忠賢亂政欽程夤緣復官乘機報復鐫萃楨三級崇禎元年刑科給事中張國維極論欽程罪惡中有參清正府官之語帝問府官何人國維以萃楨對且曰萃楨爲曹欽程所劾則其人可知與周宗建等諸正人爲伍則其人又可知得旨原職起用補湖廣參政備兵岳州尋陞湖廣按察使備兵蘇松以疾不赴復補福建按察使備兵福州時山海寇盜叵測巡撫鄒維璉新任未習閩事投誠者意頗觀望聞萃楨至皆曰沈公來吾屬無虞矣遂委心歸順危疆以安賜金加俸一級尋陞湖廣右布政使仍備兵蘇松復以親老乞歸尋卒子日昆

平湖縣志 卷五 人物 列傳一 五

字以白號丸掌崇禎己卯舉人順治初授縣令尋改教諭卒位不

稱德時論惜之 朱列傳高事功 張仕績王列傳

馬鳴震字國聲號具嚴萬厯癸丑進士授福建閩縣知縣字民慈

愛嚴禁豪猾得輔臣葉向高家奴不法狀杖之曰以天子命吏扑

宰相家人卽掛冠不恤也因投劾改教後厯福建邵武府知府會

魏忠賢用事同年友崔呈秀以書招峻拒不答調河南副使治河

有聲李自成圍信陽鳴震治火器拒守十數日賊始去轉南直常

鎮道陞尚寶司卿乞假歸居鄉稱長者 朱列傳高事功 張仕績王列傳

陸懋功字紀常萬厯乙卯舉人署新昌縣教諭葺學宮搜剔隱漏

義田厯陞南工部主事管理器皿廠鑄務疏參誤鑄奸商章臣史

永壽等提勘戍杖如律夙弊一清事竣紀錄出知四川保甯府時

賊氛已熾州縣多被陷懋功至繕治城守增設梁山關敵臺有捍禦功杖殺悍卒觸巡撫怒拂衣歸甫就道賊入境朱列傳高事功張仕績王列傳

毛湛字修之應銓子萬厯乙卯舉人選南直婺源縣教諭介然有

守陞南京監丞歷刑部郎中奏獄平允郎舍蕭然若寒士卒于官

程篤行朱孝友高行誼張孝友王列傳

陸府修字採禹萬厯戊午舉人受業于從祖志孝以文行重於鄉

授諸暨縣教諭創修學宮擢南直松江府通判署府事剔除漕弊

禁革羨耗陳繼儒為撰碑記晚年歸里卒著有詩文集苾蘿志行

世高文苑張文苑王列傳

陸之祺字筠修萬厯己未進士授工部主事督通惠河稅有廉聲

乙丑視學江西謝竿牘嚴請託所拔士如黎元寬熊文舉羅萬藻

平湖縣志

卷五

人物 列傳一

五

楊廷麟陳際泰等皆卓然以文章名世是秋豫闈得百二人皆出

正收主司倪元璐試錄序中雅重之晉福建按察使入覲條對甚

悉通鑑記事本末辛未正月入覲莊烈帝問備禦海寇實計之祺

日海上官兵肯出死力有司團練鄉兵多設火器以守為戰勦

之不難今鍾斌與鄭芝龍勢不兩立七月間斌擾福州撫臣轉河

南河道兼右布政使值荆隆口決力塞之以衛漕費省而功倍所

著河道備考規畫周詳尋轉左引疾歸起補陝西左布政

國初轉山西布政使念父瑞銓年高乞歸終養里居四十年故舊親

黨緩急必周無幾微德色晚年尤好學熟于古今典故晨夕手編

自娛遇家課必製一二藝為準式卒年九十三有滋樹軒詩文集

綠雪齋小題前後集子瑤林瑋林各有傳朱列傳高事功張文苑王列傳

陸懷玉字石含號獻之萬厯己未進士授工部主事督臨清磚廠

飭材庀用卓然有聲晉郎中董三殿工竣例擢京秩因不謁魏忠賢出知南直鎮江府廉靜嚴明郡大治歷湖廣武昌道轉鹽法參政商民戴德建祠尸祝之陞山東按察使出死罪數十人尋擢福建右布政謝病歸居鄉周瞻親戚無倦色不干郡邑事子祚蕃有

傳

朱列傳高事功張仕績王列傳

陸從諭字耳宣總角補弟子員卽究心理學旁及諸子百家冀爲通儒苦志下帷寒暑不輟萬曆己未進士授國子監博士歷工部員外無子其卒也囊橐蕭然稱貸成殮初從諭婦翁歿子女俱幼從諭外禦其侮爲撫養婚嫁成立人以爲有謝宏微之風

程清修朱列傳

高文苑張文苑王列傳

徐在中字楚石萬曆己未進士歷任工部郎性鯁介忤璫革職崇

平湖縣志

卷五

人物 列傳一

李

禎初復任知廣東廣州府有通番首犯執法訊治不少貸犯爲朝貴私人銜之借工部任內陵工置之法朝論寃之子錦孫吳治錦貢生贈靈川知縣吳治康熙甲子舉人官雲南大理府同知

張仕績王

列傳

沈君楨字用缶天啟甲子舉人署瑞安縣教諭捐俸新學宮尋陞江西奉新縣知縣清理積逋常以法繩宗室不法事觀察吳某欲籍帥中丞家產充餉君楨力爭得免癸未調繁德安革郵傳供應民困以蘇投劾歸卒家無餘資

張仕績王列傳

孫裔蕃字臨鷗天啟乙丑進士授工部主事管理寶源錢局權蕪湖稅均剔陋弊裕正課會璫餓張甚關差例有餽裔蕃不與通幾被譴告歸商民塑像祀之家居耽吟咏工書法倡修縣學崇禎初

薦起兩淮運使不赴朱列傳高事功張仕績王列傳

薛振猷字爾嘉天啟乙丑進士授江西撫州推官凡七年恩威宣

著卻屬縣廩餽革蠹弊辨豁冤獄數百人政聲赫然分考江西廣

東俱得人署府篆所拔士多售有紗燈清水之號舉卓異行取銓

部以父喪歸遂卒撫民立祠祀之朱列傳高事功張仕績王列傳

陸鏊字味道號廉石天啟乙丑進士授刑部主事恤刑江南補工

部尋出守廣東肇慶府清市舶抑豪強陞副使佐制府破海寇劉

香香走死連徭叛鏊攝巡南韶密移師搗其巢徭惶駭稽顙歸順

歷福建參政晉湖廣按察使激揚風紀積弊悉除請終養歸後流

寇雲擾有建議添設巡撫夏鎮以鏊為之會病不起著有寶綸堂

各種集按橋李詩繫鏊終福建按察使與志傳小異張仕績王列傳

平湖縣志 卷五 人物 列傳一 空

陸澄原字嗣端號芝房刑部主事錫恩子年十九舉于鄉性雋爽

酬應百端嘯歌不廢天啟乙丑進士授工部主事莊烈帝即位魏

忠賢焰猶熾廷臣皆呼厥臣澄原首斥其名而劾之應詔陳言疏臣伏讀詔書

一欵有云一應正務詔內開載未盡者陸續查議條奏其凡可以

正士習糾官邪安民生足國用等項長策仍許諸人直言無隱大

哉王言想見皇上勵精圖治宏開言路遠宗堯舜近邁列祖臣雖

小臣新進世受國恩躬逢聖主龍飛正是據忱之日謹凜明旨仍

條列四欵惟皇上採擇焉首曰正士習國有四民惟士稱首以其

明綱常知分誼也必朝廷加意愛惜養其氣節始可望其勸德比

來士氣漸降士節漸卑臺省庶僚不聞廷評惟日以稱功頌德為

事如厥臣魏忠賢服事先帝贊籌邊務拮据大工亦人臣分內事

朝廷論功行賞自有典常即欲優厚加等官至都督廢及子孫至

矣盡矣何至寵踰開國爵列三等錦衣遍宗親京堂濫乳臭也先

帝聖不自聖每詔旨批答必歸功厥臣而厥臣居之不疑外廷奏

疏不敢明言忠賢姓名已盡廢君前臣名之禮至祝釐徧于海內

奔走狂於域中譽之以臯夔尊之以周孔且臯夔周孔當時亦何

嘗有此讚美惟漢代王莽稱功頌德者至四十八萬七千餘人使

忠賢顧名思義必不願與之合轍而無奈身為士大夫者首上建

祠之疏以至市盡儒臬在在效尤士習漸降漸卑莫此為甚即如

大工敘功查得永樂十八年北京宮殿新成成祖臨御受賀惟陞
營膳郎中蔡信爲工部右侍郎其木瓦匠頭金衍等諸人止授所
丞而已而今木匠夫頭俱爲卿貳儼然乘輿開棍反欲臺省諸臣
引馬避路凌鑠縮紳其士大夫之戀位畏禍者亦甘心下之是曾
夫匠之不若矣又如欽差內臣總理庫藏不過稽查出入之數原
與部務無干而乃體統相臨儼然在堂官之上竟使戶工二部司
官羅拜堂下侍立竟日有識者爲之寒心至若外鎮內臣其待方
面有司之體更有甚於此者士未嘗負朝廷朝廷何苦以奴隸待
士且重以勅諭森嚴束之使不得不然也臣所謂正士習者此也
糾官邪者言路之責也近來言官緘默置奸佞於不問如兵部尚
書崔呈秀貪橫無恥僅臺臣楊維垣畧疏其槩呈秀之惡罄竹難
盡卽以奪情一事言之其在先帝時猶可藉口曰大工未竟也今
大工竟矣尙復竊據本兵彈射不顧此其意欲何爲耶卽皇上天
語煌煌亦曰先帝念殿工未竣屢旨自明是亦不以兵柄假呈秀
矣且從來九列未有兼官呈秀初以御史監工帶左都御史銜猶
之可也今已晉司馬矣尙不棄舊銜更何意乎臣竊料之不過欲
藉三臺之威重壓制言官耳既竊兵柄復擅紀綱其兇鋒可嚮猶
耶且奪情舊制原以墨纒視事况熹宗哲皇帝在殯百官常朝猶
仍素服而呈秀公然緋袍玉帶坐明轎入衙門安忍無親一至于
此推其心又何事不可爲夫天下有綱常而後朝廷有法紀三綱
絕矣安望法紀之立乎臣所謂糾官邪者此也何謂安民生則莫
如慎刑罰祖宗設三法司專理刑獄凡自徒流而上必覆審詳讞

平湖縣志

卷五

人物

列傳一

三

而後定罪蓋重之也今立枷之法罪狀未明爰書未定而三四日
內命已斃矣借名輕刑置人必死豈朝廷立法初意乎皇上體如
天之仁稟好生之德當必有惻然不安者臣謂宜一切報罷有罪
者必下之法司應斬應絞自有定律何至以未應死之人立斃之
桁楊也又如設五城緝事衙門原爲京師五方雜處奸宄易生故
以防奸之法止奸而因以止奸之法安民乃一經厥衙則捕風追
影株連靡竟其嚴刑酷拷有目不忍視口不忍言者更甚立枷之
慘目今聖主當陽無幽不燭謂宜亟照先朝舊制以緝事專責五
城臣所謂安民生者此也國用至此告匱極矣大工興建以來百
方搜括近因先帝陵工又新開事例賣官鬻爵議助議捐大損國
體括及胥役加派窮民更非長策語云省費不若省官今之勦蔭
冒濫極矣因一殿工蔭及百執事借一邊功賞及中朝今之蔭金
吾而佩銀黃者充街塞路此不甚費乎又如厥臣魏忠賢在先帝
時士大夫獻諛者倡生祠之說海內效尤在在創立計其費不下
百萬忠賢旣以身許國何苦以有用之財靡之無用之役及今變
賣尙可得數十萬金臣爲忠賢計宜決出此雖曾奉明旨云經先
帝賜額者照舊遵行然以皇上轉圜厥臣救過當不難幡然易慮
也臣所謂足國用者此也凡此四端皆明詔宣布之歟亦先帝所
欲改而未及改之緒留以待皇上者皇上毅然立改不惟於天下
幸甚亦且於先帝有光此微臣所以忘出位之禁而願以陳之堯
舜之降旨薄責於是廷臣窺上意紛紛彈射踵後矣轉員外督盛
前者

甲廠已巳京師戒嚴檄催火器如織所督廠工僅數十人日造火藥二千斤兼造兼運身不解帶者五十餘日造火繩用楮代布失內璫意奉嚴旨然是時以箭簾不稱工部四司俱逮斃杖者二人澄原僅降級調用尋補順天府照磨遷大理寺寺副疏參罪督袁崇煥帝嘉其敢言特遣中使捧函直至邸舍函面御書發陸澄原四字中批據實回奏不許發抄以小臣而承委信前此未有也尋遷兵部職方員外提調武闈騎射不及格主考監試俱下獄澄原閑住罷歸甲戌忌者中以考功法落職放艇湖山寄懷詩弈者數年而卒澄原厭薄門戶中立敢言首攻崔魏亦不附東林疏請申勅廷臣各消成見有市恩修怨舉劾失平者雖東林亦謂之小人不得以楊左爲護身之符有特立獨行恪其厥職者雖不東林不

平湖縣志

卷五

人物

列傳一

三

失爲君子不得以崔魏爲陷人之罪又曰臣甯寡援孤立爲硜硜之小人決不倚草附木爲疑似之君子其自處甚斷也所著雜集數種行世橋李詩繫云澄原既罷歸奇傑之氣亦遂用於山水文酒間自號隱放主人往往與酒俠談僮歌童舞伎爲飛紅捲白之會間以嬉笑嘲謔俊語紛集或與至集書衮衮數百言搖筆立就性好飲自負酒龍雞鳴燭跋四座偃臥而澄原如未霑宿醒者嘗自言少遊於酒人一往三十餘乃以選人侶於衆人復以言迂要人世目爲愚人或曰癡人泊手拂袖一歸乃復還我不壞之酒人矣故其爲詩多秀逸尖新雕香刻翠有佻宕自喜之槩焉朱列傳高事功張仕績王列傳

陸錫明字幼輿號玉井少穎異父基厚每撫而笑曰鸚兒鳳雛將破殼出豈效而翁與鷄鶩爭乃手授經史引古人忠孝大節以訓迪之天啟乙丑成進士時魏璫用事廷試前門客諷令往謁正色謝之及對策擬一甲第三抑置二甲第三未嘗有愠色授工部主事始祖宣公祠在孤山豪右改爲書院同兄鏊姪澄原合疏上陳

得復歸世守出知南直常州府丁艱歸起補徽州徽爲富郡商賈
遍天下一路相率餽獻求見顏色不可得璫勢羅織民苦重役思
嘯聚爲亂竭心力以安撫之陞江西提學副使清節益著鑿拔得
人念母年高乞終養卒于家

朱列傳高事功
張仕績王列傳

郭紹儀字汾仲號丹葵孝子球孫生時有東方歲星之兆甫髫髻
卽解仙術嘗雪夜讀書地湧汞盈尺遂悟坎離水火之道天啟乙
丑成進士廷對之日有一賣珠兒爲魏璫嬖人示意云君能一見
可得狀頭紹儀笑却之日我骨清寒一第已足安望此授南直當
塗知縣以簡治煩時稱仙吏嘗出見酒肆一人修然古貌徧身絲
縷如牛毛紅頰丹砂紹儀知其異與語蓋靖難時人元書秘錄扣
之無不應遂傾心事之頗得其學丁卯校南闈多拔名雋擢留都

平湖縣志

卷五

人物 列傳一

畜

御史時緹騎四出繹騷紹儀上書極論禍幾不測巡視屯田上條
議十二則勦戚多佔踞格不行尋掛冠歸一意爲修煉術年八十
三卒著有史諾康濟譜三續養生論

朱列傳高事功
張仕績王列傳

楊六府字浩生崇禎時福建布政使陸懷玉以賢良薦授廣東陵
水知縣以勸農重穀爲首務尊崇學校興起人文黎人吳春盤據
大坡要挾居民爲亂設法擒獲立置典刑民賴以安自奉儉約不
異寒素大書于堂曰守伯起家風四知無愧遊剛峯故里百折不
回撫軍薦曰端品真儒後以病告歸行李蕭然卒祀名宦

王列傳

屠象美字幼繩崇禎辛未進士授行人對策稱旨改翰林院檢討
東宮講讀疏薦倪元璐李邦華等三十七人尋罷歸築園郡城建
百丈廊極泉石之勝乙酉爲亂兵所害

朱列傳高行誼
張文苑王列傳

陸又機字衡如以選貢授山東日照縣知縣地濱海民貧徵輸不可緩竭力撫字核丁籍使不得增漏有徭役則計畝均出富豪毋得免積弊一清未幾解組歸父老遮道垂泣曰公囊空無攜攜此清淚數升去耳手輯龍溪龍湖語錄而伸以已意著有尙書集解子上瀾有傳

朱列傳高事功
張仕績王列傳

秦宏忠字恕先以貢授紹興府訓導陞湖廣通道縣知縣縣近苗獠每偵富室新壟發棺攫其首要贖金宏忠嚴禁之民間言不便者弗聽苗計阻患遂絕山僻士寒每試鄰邑以賂入籍本籍無一入泮者宏忠却其金不受學宮始皆本籍人苗稅十年一徵邑令統兵往所至驚擾宏忠攜一僕開誠勸諭苗皆感激十年稽逋旬日畢事在任二年歸行至靖州卒

朱列傳高事功
張仕績王列傳

平湖縣志

卷五

人物 列傳一

奎

陸燦字振玉崇禎甲戌進士授山東濟南府推官廉節自矢丙子分考得士六人趙進美以垂髻冠齊魯監生宋玉鉉兄弟坐盜誣舉家繫獄數載屢叩登聞不得白燦獨察其冤且廉知真盜繫厥獄因請覆鞫悉反其案釋之蒞任三年釋殊死重囚七人城旦以下十餘人戊寅十二月

大兵破居庸關南下山東大震巡撫顏繼祖率師次德州總監太監高起潛以兵駐臨清濟甯間濟南告急巡按宋學朱適出巡章邱急策騎馳至閱城中兵惟土兵五百及調萊兵七百率司道嬰城固守

大兵築長圍三面困之援兵不至己卯正月二日

舊志作
六日誤

黎明城陷學朱死之或勸之去燦瞋目曰城存與存城亡與亡勿顧我遂死

之闔門皆遇難

同死者三十七人

國朝乾隆四十一年追謚節愍入祀忠義祠

見節諸臣錄

欽定勝朝殉

行誼張忠臣王列傳

陸清原字嗣白號岫青陝西提學副使光祚曾孫崇禎甲戌進士

授廣東增城知縣鄰邑從化龍門山菁險惡劇寇嘯聚盤古洞三

省合兵撲之不克制府張鏡心集屬吏問計清原獨曰寇據山谷

兵聚則散兵散則聚不若撫之宜可解巡按李雲鴻是其議委攝

從化龍門東莞諸篆崙任撫字清原先揭示禍福一日單騎抵賊

巢賊出不意皆震懾請命許以不殺按籍散遣境內獲安壬午召

對陳時政十事上嘉納之擢雲南道御史浙西白糧北運累民疏

請官解

百糧官運疏臣聞邸報見應天巡撫黃希憲北運當極敝之時一疏奉聖旨白糧僉占滋擾包棍胥役歲滋侵蝕種

平湖縣志

卷五

人物

列傳一

矣

種積弊委宜釐正奏內照畝均派專官督解及復近裁員缺等議
誠裕國便民長策該部速與議覆欽此臣捧讀忭舞有以仰窺皇
上之周悉民隱恩覃蔀屋也夫北運至今日而疲困甚矣如僉點
之鑽營而漏富坐貧也如包棍之盤踞而誤公蝕私也如抽兌之
侵漁而名存實亡也如總協之公費而科派多端也如胥舍之虎
視而勒索不休也如船戶之凌詐而逼借無限也如引戶之包納
而違制橫加也如漕壓之難越而剝費浩繁也百千艱苦誠有繪
圖難盡者至邇年以來在在起剝節節提淺一解數年浮費不資
室家如洗性命隨之總捕魏通判因糧無措而仰藥聶同知續委
受事而掛冠官之慘至此民之痛可知今幸應撫詳計聖聽如流
特允照畝均派專官督解釐從前之積弊盡百世之長算載在簡
編光乎史冊行見蘇松常三郡之遺民欣欣有起色矣但嘉湖與
三府其糧派大約相同而罷累亦彼此不異今三郡特蒙官解而
嘉湖尚仍民運是受困不與三郡異而受恩未與三郡同當亦聖
明所不靳均施者臣備員侍從目擊雨露洪敷而能不為桑梓請
命乎謹比例上陳乞勅該部將嘉湖二府照蘇松常一體議覆官
解并移咨撫按確核經久良規庶聖明惠養窮黎之德意徧滿東
南矣抑臣更有請者十三年分嘉湖二府糧解一運三年時日既
久起剝復多米之在途者偷竊去其半溥爛去其半彼十二年以
前已蒙捐免十四年未經起解亦蒙改折三分獨十三年分介在
兩年之間奇荒異苦跋涉到京欲終事而不得仰叩聖明矜憫俯
照十四年改折之例量與蘇息在皇上止是改本為折不虧國課

在窮民各得以銀代米生還有日於以再生
兩郡非淺鮮也事關民生大計謹懃誠上告
著爲令巡按福建道
經淮安疏言史可法兵單根本重地恐不支今援師雲集宜悉留
淮上聽可法調用不報時獻賊已陷全楚躡及江右閩與江右連
壤所在賊蜂起行部至漳州賊梁良衆萬餘攻城清原計擒奸宄
辛泗等斬之簡驍勇七百人從問道擊之擒其副李寅賊乃退甲
申燕京不守清原捐資備甲仗募兵三千勤王請身討賊疏再上
奸相馬士英格之乙酉復命在途聞金陵陷慟曰某不獲從倪范
諸臣殉先帝者以奉簡書在外也今日矣天下事無可爲清原故
閩吏當還求死所耳乃問道入閩從唐王授都御史上疏言閩越
唇齒宜亟餉越卽命清原度嶺犒師時馬士英擁兵竄越閩故以
士英棄君喪國禡其名士英遂激衆劫餉投勅印於江麾其將趙
平湖縣志

卷十五

人物 列傳一

七

體元刃及清原五指俱斷幽禁舟中

大兵渡錢塘士英先一日遁兵潰營弁沈起龍毛有備強清原起清
原曰越亡閩必不守去將安之遂赴江死年四十有二乾隆四十

一年追謚忠節

朱列傳高行誼
張忠臣王列傳

馬嘉植字培原號木山崇禎甲戌進士授南直武進知縣縣賦繁
重糧長害尤劇嘉植議變爲圖收任輕而役均宿患頓除漕兌軍
丁多耗外邀索嘉植痛抑之至露刃鼓噪不爲動陞吏科給事中
累上封書一時憚之尋督江西福建餉馬士英嫉其亢直外補廣
東道卽謝事歸葺園於湖湄曰東臬後祝髮村居自號鐵雪道人
苦節十數年卒

朱列傳高行誼
張仕績王列傳

倪長圩字伯屏崇禎丙子鄉試第一丁丑進士授南直蘇州府推

官性剛明嚴毅遇事敢為其政以抑豪強鋤奸猾為務與太守陳

洪謐同事陳以慈倪以嚴恩威互濟士民立雙清書院祀之署嘉

定知縣有惠政民為建報德祠陸隴其有儀軒歌并序昔年嘉定

有德于民民因建報德祠其內有假山為予前任趙尹雍容移置

署中有儀軒軒雖美觀而祠幾廢予故有感而作吁嗟有儀軒其

石何離奇問石何自來來自故侯祠聞昔祠初成吏民競視釐或

持觴酒勸或獻萬年辭翼翼堂與室尊嚴若神祇孰知祠中石一

朝遷在斯廢興誠可歎此理豈渺微我聞召公棠周人永勿移剪

拜各相戒千載以為期動之何如耳今古豈異時感應捷桴鼓聖

賢甯我欺恭實信敏惠斯須不轉兵部主事甲申後歸與屠檢討

可離反躬而已矣何歎亦何疑

象美稱莫逆象美死長圩遂入山久之乃歸橋李詩繫云長圩生

精于制義臨文伸紙往往終日危坐不成一字然一藝既就其瑰

奇瑋麗幽峭奧崛之致直足驚人駭俗上擬周秦非漢唐以下所

及也自有明三百年來讀書種子無此異才嗚呼如伯屏

者其無負乎時文者歟朱列傳高行誼張文苑王列傳

金和字燮之崇禎庚辰進士父德普福建通判和初授南直溧陽

平湖縣志

卷五 人物 列傳一

亥

縣知縣漕兌有逾米練米襄米諸名和倡為合兌法民便之調繁

山陽邑多水患舊例修河費解京口遇河決估價詳支曠日持久

和請添設山清廳同知專司其事隨決隨報給發修築總河疏請

允行尋歸里無子自營邱壠築舍植花果于傍朱列傳高事功

沈中柱字石臣號摩青口吃不能言熟于左國史漢尤好管韓為

文縱橫闖闕落筆數千言立就崇禎庚辰進士授江西吉水縣知

縣時大江左右歲祲中柱請減租蠲稅當事者格不行復劄忠介

書院以課士黃石齋以言事下獄遺書劉彭岫力救罷歸後構懷

木菴奉父隱其中著有懷木菴稿問道錄明詩綜中柱晚為僧名

行燃號無諍往來靈隱

金粟間 朱文苑高

文苑張文苑王列傳

王志此下有徐有度傳据勝朝殉節諸臣錄剛